


廣文選


二十八之三十五



			一一〇八	漢書門
一	一	七	八	
二	二	九	五	
冊	架	函	號	類

庫文閣內			
三六二函		一一〇八	漢書
一八	一	二	五
架	冊	號	類


內閣文庫			
番號	漢	11085	
冊數	12 (5)		
函號	361	38	





明通議大夫都察院右副都御史大庾劉節廣

淺草文庫



明通議大夫都察院右副都御史大庾劉節廣

大招

景差

青春受謝白日昭只春氣奮發萬物遽只其凌浹行魂
 無逃只魂魄歸徠無遠遙只魂乎歸徠無東無西無南
 無北只東有大海溺水泔泔只蛟龍並流上下悠悠只
 霧雨淫淫白皓膠只魂乎無東湯谷宋只魂乎無南南
 有炎火千里腹蛇蜒只山林險隘虎豹蜿只鱖鱗短狐
 王虺騫只魂乎無南越傷躬只魂乎無西西方流沙滂
 洋洋只豕首縱目被髮鬢只長爪踞牙諛笑狂只魂乎
 無西多害傷只魂乎無北北有寒山連龍翹只伐水不

可涉深不可測只天台顛顛寒凝凝只魂乎無往盈北
極只魂魄歸徠間以靜只自恣荆楚安以定只逞志究
欲心意安只窮身安樂年壽正只魂乎歸徠樂不可言
只五穀六仞設菰梁只鼎臠盈望和致芳只內鶻鶻
味豺羹只魂乎歸徠恣所嘗只鮮鵠甘鷄和楚酪只醢
豚苦狗膾苴蓴只吳酸蒿蕪不沾薄只魂兮歸徠恣所
擇只炙鴟丞鳧粘鷄噉只煎鱖雁雀遠爽存只魂乎歸
徠麗以先只四酎并孰不澀嗑只清馨凍飲不歆役只
吳醴白蘖和楚瀝只魂乎歸徠不遽惕只代秦鄭衛鳴
竿張只伏戲駕辯楚勞商只謳和揚阿趙簫倡只魂乎
歸徠定空桑只二八接舞投詩賦只叩鍾調磬娛人亂
只四上楚氣極聲變只魂乎歸徠聽歌謨只朱脣皓齒

媵以媵只比德好間習以都只豐肉微骨調以娛只魂
乎歸徠安以舒只媵目宜笑蛾眉曼只容則秀雅穉朱
顏只魂乎歸徠靜以安只媵脩滂浩麗以佳只曾頰倚
耳曲眉規只滂心綽態姣麗施只小腰秀頸若鮮卑只
魂乎歸徠思怨移只易中利心以動作只粉白黛黑施
芳澤只長袂拂面善留客只魂乎歸徠以娛昔只青色
直眉美目媵只靨輔奇牙宜笑嗎只豐肉微骨體便媚
只魂乎歸徠恣所便只夏屋廣大沙堂秀只南房小壇
觀絕雷只曲屋步墻宜擾畜只騰駕步遊獵春囿只瓊
轂錯衡英華假只茝蘭桂樹鬱彌路只魂乎歸徠恣志
慮只孔雀盈園畜鸞皇只鷓鴣群晨雜鴝鶒只鴻鵠代
遊曼鷓鴣只魂乎歸徠鳳皇翔只曼澤怡面血氣盛只

未宜厥身保壽命只室家盈廷爵祿盛只魂乎歸徠居
室定只接徑千里出若雲只三圭重侯聽類神只察篤
天隱孤寡存只魂兮歸徠正始昆只田邑千畛人阜昌
只美冒衆流德澤章只先威後文善美明只魂乎歸徠
賞罰當只名聲若日照四海只德譽配天萬民理只北
至幽陵南交趾只西薄羊腸東窮海只魂乎歸徠尚賢
士只發政獻行禁苛暴只舉傑廢陞誅譏罷只直羸在
位近禹麾只豪傑執政流澤施只魂乎徠歸國家爲只
雄雄赫赫天德明只三公穆穆登降堂只諸侯畢極立
九卿只昭質旣設大侯張只執弓挾矢揖辭讓只魂乎
徠歸尚三王只

惜誓

賈誼

惜余年老而日衰兮歲忽忽而不反登蒼天而高舉兮
歷衆山而日遠觀江河之紆曲兮離四海之霑濡攀北
極而一息兮吸沆瀣以克虛飛朱鳥使先驅兮駕太一
之象輿蒼龍蚴虬於左驂兮白虎騁而爲右駢建日月
以爲蓋兮載玉女於後車馳騫於杳冥之中兮休息虛
崑崙之墟樂窮極而不厭兮願從容虛神明涉丹水而
馳騁兮右大夏之遺風黃鶴之一舉兮知山川之紆曲
再舉兮睹天地之圜方臨中國之衆人兮託回飈乎尚
羊乃至少原之壑兮赤松下喬皆在旁二子擁瑟而調
均兮余因稱乎清商澹然而自樂兮吸衆氣而翱翔念
我長生而久僊兮不如及余之故鄉黃鶴後時而寄處
兮鷗臯群而制之神龍失水而陸居兮爲螻蟻之所裁

夫黃鵠神龍猶如此之賢者之逢亂世哉壽冉冉而日衰兮固億回而不意俗流從而不止兮衆枉聚而矯直或偷合而苟進兮或隱居而深藏苦稱量之不審兮同權槩而就衡或推多而苟容兮或直言之諤諤傷誠是之不察兮并紉茅以爲索方世俗之幽昏兮眩白黑之美惡放山淵之龜上兮相與貴夫礫石梅伯數譏而至醢兮來革順志而用國悲仁人之盡節兮反爲小人之所賊比干忠諫而剖心兮箕子被髮而佯狂水背流而源竭兮木去根而不長非重軀以慮難兮惜傷身之無功已矣哉獨不見夫鸞鳳之高翔兮乃集太皇之櫺循四極而回周兮見盛德而後下彼聖人之神德兮遠濁世而自藏使麒麟可得羈而係兮文何以異虬犬

羊

七諫

東方曼倩

平生於國兮長於原櫺言語訥謔兮又無彊朝淺智褊能兮聞見又寡數言便事兮見怨門下王不察其長利兮卒見棄平原櫺伏念思過兮無可改者群衆成朋兮上浸以惑巧佞在前兮賢者滅息堯舜聖已沒兮孰爲忠直高山崔嵬兮水流湯湯死日將至今與麋鹿同坑塊鞠兮當道宿舉世皆然兮余將誰告斥逐鴻鵠兮近習鴟梟斬伐橘柚兮列樹苦桃便娟之脩竹兮寄生乎江潭上蕝蕝而防露兮下泠泠而來風孰知其不合兮若竹柏之異心往者不可及兮來者不可待悠悠蒼天兮莫我振理竊怨君之不寤兮吾獨死而後已

初放

惟往古之得失兮覽私微之所傷堯舜聖而慈仁兮後
世稱而弗忘齊桓失於專任兮夷吾忠而名彰晉獻惑
於嬖姪兮申生孝而被殃偃王行其仁義兮荆文寤而
徐亡紂暴虐以失位兮周得佐乎呂望修往古以行恩
兮封比干之丘隴賢俊慕而自附兮日浸淫而合同明
法令而修理兮蘭芷幽而有芳苦衆人之妬予兮箕子
寤而佯狂不顧地以貪名兮心怫鬱而內傷聯蕙芷以
爲佩兮過鮑肆而失香正臣端其操行兮反離謗而見
攘世俗更而變化兮伯夷餓於首陽獨廉潔而不容兮
叔齊久而逾明浮雲陳而蔽晦兮使日月乎無光忠臣
貞而欲諫兮讒諛毀而在旁秋草榮其將實兮微霜下
而夜降商風蕭而害生兮百草育而不長衆並諧以妬
賢兮孤聖特而易傷懷計謀而不見用兮巖穴處而隱
藏成功隳而不卒兮子胥死而不葬世從俗而變化兮
隨風靡而成行信直退而毀敗兮虛僞進而得當追悔
過之無及兮豈盡忠而有功廢制度而不用兮務行私
而去公終不變而死節兮惜年齒之未央將方舟而下
流兮冀幸君之發矇痛忠言之逆耳兮恨申子之沈江
願悉心之所聞兮遭值君之不聰不開寤而難道兮不
別橫之與縱聽奸臣之浮說兮絕國家之義長滅規槩
而不用兮背繩墨之正方離憂患而乃寤兮若縱火於
秋蓬業失之而不救兮尚何論乎禍凶彼離畔而朋黨
兮獨行之士其何望日漸染而不自知兮秋毫微哉而

變容衆輕積而折軸兮原咎雜而累重赴湘沅之流斯
兮恐逐波而復東懷沙礫而自沉兮不忍見君之蔽壅

沈江

世沉淖而難論兮俗嶮峨而峻嵯清泠泠而殲滅兮溷
湛湛而日多梟鴞既以成羣兮玄鶴弭翼而屏移蓬艾
親入御於床第兮馬蘭蹀躞而日加棄捐葯芷與杜衡
兮余柰世之不知芳何何周道之平易兮然蕪穢而險
戲高陽無故而委塵兮唐虞點灼而毀議誰使正其真
是兮雖有八師而不可爲皇天保其高兮后土持其久
眼青白以逍遙兮偏與乎玄英異色西施媿媿而不得
見兮葵毋勃竹而日侍桂蠹不知所淹留焉蓼蟲不知
徙乎葵菜兮溷溷之濁世兮今安所逃乎吾志意有所

載而遠逝兮固非衆人之所識驥躡蹄於弊輦兮遇孫
陽而得代呂望窮困而不聊生兮遭周文而舒志甯戚
飯牛而商歌兮桓公聞而弗置路室女之方桑兮孔子
過之以自侍吾獨垂刺而無當兮心悼怵而耄思思比
干之悒悒兮哀子胥之慎事悲楚人之和氏兮獻寶玉
以爲石遇厲武之不察兮羗兩足以畢斲小人之居勢
兮視中正之何若改前聖之法度兮喜聶需而妄作親
讒諛而疏賢聖兮訟謂閭媿爲醜惡愉近習而蔽遠兮
孰知察其黑白卒不得效其心容兮安眇眇而無所歸
薄專精爽以自明兮晦冥冥而壅蔽年旣已過太半兮
然輶軻而留滯欲高飛而遠集兮恐離罔而滅敗獨寃
抑而無極兮傷精神而壽天皇天旣不純命兮余生終

無所依願自沈於江流兮絕橫流而徑逝寧為江海之
泥塗兮安能久見此濁世

怨世

賢士窮而隱處兮廉方正而不容子胥諫而靡軀兮比
干忠而剖心子推自剖而飲君方德日忘而怨深行明
白而日黑兮荆棘聚而成林江離棄於窮巷兮蒺藜蔓
乎東廂賢者蔽而不見兮讒諛進而相朋梟鴞並進而
俱鳴兮鳳皇飛而高翔願壹往而徑逝兮道壅絕而不
通

怨思

居愁懃其誰告兮獨求思而憂悲內自省而不慙兮操
愈堅而不衰隱三年而無決兮歲忽忽其若頽憐余自
不足以卒意兮冀一見而復歸哀人事之不幸兮屬天
命而委之咸池身被疾而不聞兮心沸熱其若湯水炭
不可以相並兮吾固知乎命之不長哀獨苦死之無樂
兮惜余年之未央悲不友余之所居兮恨離予之故鄉烏
獸驚而失羣兮猶高飛而哀鳴狐死必首丘兮夫人孰
能不反其真情故人疏而日忘兮新人近而俞好莫能
行於杳冥兮孰能施於無報若衆人之皆然兮乘回風
而遠遊凌恒山其若陋兮聊愉娛以忘憂悲虛言之無
實兮若衆口之鑠金過故鄉而一顧兮泣歎歎而霑衿
厭白玉以為面兮懷琬琰以為心邪氣入而感內兮施
玉色而外淫何青雲之流瀾兮微霜降之蒙蒙余風至
而徘徊兮疾風過之湯湯聞南藩樂而欲往兮至會稽

而且止見韓衆而宿之兮問天道之所在借浮雲以送
予兮載雌霓而爲旌駕青龍以馳驚兮班衍衍之冥冥
忽容容其安之兮超恍惚其焉如苦衆人之難信兮願
離羣而遠舉登巒山而遠望兮好桂樹之冬榮觀天火
之炎煬兮聽大壑之波聲引八維以自道兮含沆瀣以
長生居不樂以時思兮食草木之秋實飲菌若之朝露
兮構桂木而爲室雜橘柚以爲園兮列新夷與椒楨鷓
鶴孤而夜號兮哀居者之誠貞

自悲

哀時命之不合兮傷楚國之多憂內懷情之潔白兮遭
亂世而離尤惡耿介之直行兮世溷濁而不知何君臣
之相失兮上沅湘而分離測汨羅之湘水兮知時固而
不反傷離散之交亂兮遂側身而旣遠處玄舍之幽門
兮穴巖石而窟伏從水蛟而爲徒兮與神龍乎休息何
山石之嶄巖兮靈魂屈而偃蹇含素水而蒙深兮日眇
眇而旣遠哀形體之離解兮神罔兩而無舍惟椒蘭之
不反兮魂迷惑而不知路願無過之設行兮雖滅沒之
自樂痛楚國之流亡兮哀靈脩之過到固時俗之溷濁
兮志瞶迷而不知路念私門之正匠兮遙涉江而遠去
念女嬃之嬋媛兮涕泣流乎於悒我決死而不生兮雖
重追吾何及戲疾瀨之素水兮望高山之蹇產哀高丘
之赤岸兮遂沒身而不反

哀命

怨靈修之浩蕩兮夫何執操之不固悲泰山之爲隍兮

孰江河之可涸願承間而效志兮恐犯忌而干諱卒撫
情以寂寞兮然悵悵而自悲玉與石而同匱兮貫魚眼
與珠璣駑駘雜而不分兮服罷牛而驂驥年滔滔而日
遠兮壽冉冉而俞衰心怵憚而煩寃兮蹇超擢而無冀
固時俗之工巧兮滅規榘而改錯却騏驥而不乘兮策
駑駘而取路當世豈無騏驥兮誠無王良之善馭見執
轡者非其人兮故駒跳而遠去不量鑿而正柄兮恐榘
矧之不同不論世而高舉兮恐操行之不調弧弓弛而
不張兮孰云知其所至無傾危之患難兮焉知賢士之
所死俗推佞而進富兮節行張而不著賢良蔽而不群
兮朋曹比而黨譽邪枉說飾而多曲兮正法張而不公
直士隱而辟匿兮讒諛登乎明堂棄彭咸之娛樂兮巧
佞之繩墨菑路雜於叢蒸兮機蓬矢以射革駕蹇驢而
無策兮又何路之能極以直鍼而爲釣兮又何魚之能
得伯牙之絕弦兮無鍾子期而聽之和抱璞而泣血兮
安得良工而剖之同音者相和兮同類者相似飛鳥號
其羣兮鹿鳴求其友故叫宮而宮應兮彈角而角動虎
嘯而谷風至兮龍舉而景雲徃兮音聲之相和兮言物類
之相感也夫方園之異形兮勢不可以相錯列子隱身
而窮處兮世莫可以寄託衆鳥皆有行列兮鳳有翱翔
而無所簿經濁世而不得志兮騶俱身巖穴而自託欲
闔口而無言兮嘗彼君之厚德獨便愔而懷毒兮愁鬱
鬱也焉極念三年之積思兮願壹見而陳詞不及君而
騁說兮世孰可爲明之身寢疾而日愁兮情沉抑而不

揚衆人莫可與論道兮悲精神不通

謬諫

亂曰鸞皇孔鳳日以遠兮畜鳥雀鴉鷄鷺滿堂壇兮鼃
鼃游乎華池要裹奔亡兮騰駕橐駝鈿刀進御兮逞棄
太阿拔搴玄芝亡列樹芋荷橘袖萎枯兮苦李旖旎甌
甌登於明堂兮周鼎潛乎深淵自古而固然兮吾又何
怨乎今之人

哀時命

莊忌

哀時命之不及古人兮夫何予主之不講時往者不可
扳援兮來者不可與期志憾恨而不逞兮杼中情而屬
詩夜爛爛而不寐兮懷隱憂而歷茲心鬱鬱而無告兮
衆孰可與深謀欲愁悴而委惰兮老冉冉而逮之居處

愁以隱約兮志沉抑而不揚道壅塞而不通兮江河廣
而無梁願至崑崙之懸圃兮采鍾山之玉英擘瑤木之
禪枝兮望閭風之楹桐弱水汨其爲難兮路中斷而不
通勢不能凌波以徑度兮又無羽翼而高翔然隱閔而
不達兮獨徙倚而彷徨悵惆罔且不思兮心紆軫而增
傷倚躊躇以淹留兮日飢饉而絕糧廓抱景而獨倚兮
超未思乎故鄉廓落寂而無友兮誰可與玩此遺芳白
日晚晚其將入兮哀余壽之弗將車旣弊而馬罷兮蹇
遭徊而不能行身旣不容於濁世兮不知進退之宜當
冠崔嵬而切雲兮劔淋離而從橫衣攝葉以儲與兮左
祛挂於樽桑左衽拂於不周兮六合不足以肆行上同
鑿枘於伏戲兮下合矩矱於虞唐願尊節而式高兮志

猶卑夫禹湯雖知困其不改操兮終不以邪枉害方世
並舉而好朋兮壹斗斛而相量衆比周以肩迫兮賢者
遠而隱藏爲鳳皇作鶉籠兮雖翕翅其不容靈皇其不
寤知兮焉陳詞而効忠俗嫉妬而蔽賢兮孰知余之從
容願舒志而抽馮兮庸詎知其吉凶璋珪雜於甑室兮
隴廉與孟媵同宮舉世以爲恒俗兮固將愁苦而終窮
幽獨轉而不寐兮惟煩懣而盈匈竟眇眇而馳騁兮心
煩寃之慄慄志欲憾而不憚兮路幽昧而甚難塊獨守
此曲隅兮然欲切而永歎愁修夜而宛轉兮氣涓灑其
若波握剗劔而不用兮操規渠而無所施騁騏驎於中
庭兮焉能極夫遠道置獲狎干櫺檻兮夫何以責其捷
巧駟跛鼈而上山兮吾固知其不能陞釋管晏而任臧
獲兮何權衡之能稱崑崙路雜於廢蒸兮機逢矢以射
負檐荷以丈尺兮欲伸要而不可得外迫脅於機臂兮
上牽聯於矰雉肩傾側而不容兮固陜腹而不得息務
光自投於深淵兮不獲世之塵垢孰魁摧之可久兮願
退身而窮處鑿山楹而爲室兮下被衣於水渚霧露濛
濛其晨降兮雲依斐而承宇虹霓紛其朝霞兮夕淫淫
而淋雨怊茫茫而無歸兮悵遠望此曠野下垂釣於谿
谷兮上要求於僊者與赤松而結友兮比王僑而爲耦
使臯楊先導兮白虎爲之前後浮雲霧而入冥兮騎白
鹿而容與蒐眈眈以寄獨兮汨徂往而不歸處卓卓而
日遠兮志浩蕩而傷懷鸞鳳翔於蒼雲兮故矰繳而不
能加蛟龍潛於旋淵兮身不挂於罔羅知貪餌而近死

兮不如下游乎清波寧幽隱以遠禍兮孰侵辱之可爲
子胥死而成義兮屈原沈於汨羅雖體解其不變兮豈
忠信之可化志怛怛而內直兮履繩墨而不頗執權衡
而無私兮稱輕重而不差擬塵垢之枉攘兮除穢累而
反真形體白而質素兮中皎潔而淑清時馱飫而不用
兮且隱伏而遠身聊竄端而匿迹兮嘆寂默而無聲獨
便情而煩毒兮焉發憤而抒情時曖曖其將罷兮遂悶
歎而無名伯夷死於首陽兮卒天隱而不榮太公不遇
文王兮身至死而不得逞懷瑤象而佩瓊兮願陳列而
無正生天畀之若過兮忽爛漫而無成邪氣襲余之形
體兮疾憊怛而萌生願壹見陽春之白日兮恐不終乎
永年

九懷九首

王子淵

極運兮不中來將屈兮困窮余深愍兮慘怛願一列若
無從垂日月兮上征顧遊心兮高鄙彌覽兮九隅彷徨
兮蘭宮芷閭兮葯房奮搖兮衆芳茵閣兮蕙樓觀道兮
從橫寶金兮委積美玉兮盈堂桂水兮潺湲揚流兮洋
洋著蔡兮踴躍孔鶴兮回翔撫檻兮遠望念君兮不忘
佛鬱兮莫陳永懷兮內傷

匡機

天門兮墜戶孰由兮賢者無止兮溷廁懷德兮何覩假
寐兮愍斯誰可與兮寤詔痛鳳兮遠近畜鴟兮近處鯨
鱓兮幽潛從蝦兮遊階果虬兮登陽載象兮上行朝發
兮葱嶺夕至兮明光北飲兮飛泉南采兮芝英宣遊兮

列宿順極兮彷彿紅采兮辭三翠縹兮爲裳舒佩兮絢
纒竦余劍兮亡將騰蛇兮後從飛駟兮步旁微觀兮玄
圃覽察兮瑤光啓匱兮探筴悲命兮相當紉蕙兮永記
將離兮所思浮雲兮容與道余兮何之遠望兮仟眠聞
雷兮闐闐陰憂兮感余惆悵兮自怜

通路

林不容兮鳴蜩余何留兮中州陶嘉月兮總駕攀玉英
兮自修結榮蔭兮逶逝將去丞兮遠遊徑岱土兮魏闕
歷九曲兮牽牛聊假日兮相佯遺光耀兮周流望太一
兮淹息紆余轡兮自休晞白日兮皎皎彌遠路兮悠悠
顧列宇兮縹縹觀幽雲兮陳浮鉅寶遷兮斫礪雉咸雒
兮相求決莽莽兮究志慎吾心兮嚮嚮步余馬兮飛柱
覽可與兮匹儔卒莫有兮繼介永余思兮怵怵

危俊

世溷兮冥昏違君兮歸真乘龍兮偃蹇高曰翔兮上臻
襲英衣兮緹縹披葦裳兮芳芬登羊角兮扶輿浮雲漠
兮自娛握神精兮雍容與神人兮相胥流星墜兮成雨
進隣盼兮上丘墟覽舊邦兮滄鬱余安能兮久居志懷
逝兮心惻慄紆余轡兮躊躇聞素女兮微歌聽王后兮
吹竽魂悽愴兮感哀腸回回兮盤紆撫余佩兮續紛高
太息兮自憐使祝融兮先行令昭明兮開門馳六蛟兮
上征竦余駕兮入冥歷九州兮索合誰可與兮終生忽
及顧兮西囿覩軫丘兮崎傾橫垂涕兮泣流悲余后兮
失靈

昭世

季春兮陽陽列草兮成行余悲兮蘭生委積兮從橫江
離兮遺捐辛夷兮擠臧伊思兮往古亦多兮遭殃伍胥
兮浮江屈子兮沈湘運余兮念茲心內兮懷傷望淮兮
沛沛濱流兮則逝榜舫兮下流東注兮噉噉蛟龍兮導
引文魚兮上瀨抽蒲兮陳坐援芙蓉兮為蓋水躍兮余
旌繼以兮微蔡雲旂兮電奮儻忽兮容裔河伯兮開門
迎余兮歡欣顧念兮舊都懷恨兮艱難竊哀兮浮萍汎
淫兮無根

尊嘉

秋風兮蕭蕭舒芳兮振條微霜兮眇眇病歿兮鳴蛩玄
鳥兮辭歸飛翔兮靈丘望谿兮滄鬱熊羆兮咆皞唐虞
兮不存何故兮久留臨淵兮汪洋顧林兮忽荒修余兮
桂衣騎霓兮南上乘雲兮回回疊疊兮自強將息兮蘭
臯失志兮悠悠芬蘊兮徵冀思君兮無聊身去兮意存
愴恨兮懷愁

蓄英

登九靈兮遊神靜女歌兮微晨悲皇丘兮積葛衆體錯
兮交紛貞枝抑兮枯槁枉車登兮應雲感余志兮慘慄
心愴愴兮自憐駕玄螭兮北征鄉吾路兮葱嶺連五宿
兮建旄揚氛氣兮為旌歷廣漠兮馳驚覽中國兮冥冥
玄武步兮水母與吾期兮南榮登華蓋兮乘陽聊逍遙
兮播光抽庫婁兮酌醴援爬瓜兮接糧畢休息兮遠逝
發玉軻兮西行惟時俗兮疾正弗可久兮此方寤辟標

兮未思心怫鬱兮內傷

思忠

覽杳杳兮世惟余惆悵兮何歸傷時俗兮溷亂將奮翼
兮高飛駕六龍兮連蜷建虹旌兮威夷觀中宇兮浩浩
紛翼翼兮上躋浮瀾水兮舒光淹低徊兮京社屯余軍
兮索反覩皇公兮問師道莫遺兮歸真羨余術兮可夷
吾乃逝兮南娛道幽路兮九疑越炎火兮萬里過萬首
兮嶷嶷濟江海兮蟬蛻絕北梁兮求辭浮雲鬱兮晝昏
霾土忽兮歷歷息陽城兮廣夏衰色罔兮中怠意曉陽
兮燎寤乃息軫兮存茲思堯舜兮襲興幸咎繇兮獲謀
悲九州兮靡若撫軼歎兮作詩

陶潛

悲哉于嗟兮心內切嗟歎冬而生兮凋彼葉柯瓦礫進
寶兮捐棄隨和鈆刀厲御兮頓棄太阿驥垂兩耳兮中
坂蹉跎蹇驢服駕兮無用日多修絜處幽兮貴寵沙刷
鳳皇不翔兮鶉鴉飛揚乘虹驂蜺兮載雲變化鷦鷯開
路兮後屬青蛇步驟桂林兮超驤卷阿丘陵翔舞兮谿
谷悲歌神章靈篇兮赴曲相和余私娛茲兮孰哉復加
還顧世俗兮壞敗罔羅卷佩將逝兮涕流滂沱

株昭

亂曰皇門開兮照下土株穢除兮蘭芷覩四佞放兮後
得禹聖舜攝兮昭光新孰能若兮願為輔

廣文選卷第二十八

廣曰皇門開兮朝下
來新劍蘭玉購四對文兮

林邱

聖麟世谷兮對想罔羅卷
刷泚逝兮余亦亦張

谷悲烟柳章靈齋兮
絳曲卧余休效文探若舞爪

谷兮對清披走緜卦林兮跋舞卷同且刻爾謝兮發

鳳皇下爾兮臨賦亦舞來况舞賦兮燁雲變少黜賦開

廷製披製翻靈舞兮無用日冬新榮盡幽兮貴爵少陣

寶兮許棄訓味益尺亂啣兮融棄不回懸垂兩耳兮中

悲結干藝兮以內世製熒冬而主兮賦兮舞兮舞兮舞兮

唐文選卷第二十九

明通議大夫都察院右副都御史大庾劉節廣

騷下

九歎九首

劉子政

伊伯庸之末兮諒皇直之屈原云余肇祖于高陽兮

惟楚懷之嬋連原生受命于貞節兮鴻永路有嘉名齊

名字於天地兮並光明於列星吸精粹而吐氛濁兮橫

邪世而不取容行扣誠而不阿兮遂見排而逢讒后聽

虛而黜實兮不吾理而順情腸憤憤而含怒兮志遷蹇

而左傾心慄慄而不我與兮躬速速而不吾親辭靈修

而隕意兮吟澤畔之江濱椒桂羅以顛覆兮有竭信而

歸誠讒夫藹藹而曼著兮曷其不舒予情始結言於廟

唐文選卷二十九
堂兮信中塗而叛之懷蘭蕙與蘅芷兮行中壑而散之
聲哀哀而懷高丘兮心愁愁而思舊邦願承間而自恃
兮徑淫曠而道靡顏微冀以沮敗兮精越裂而衰老裳
襤褸而含風兮衣納納而掩露赴江湘之湍流兮順波
湊而下降徐徘徊於山阿兮飄風來之洶洶馳余車兮
玄石步余馬兮洞庭平明發兮蒼梧夕投宿兮石城芙
蓉蓋而凌華車兮紫貝闕而玉堂薜荔飾而陸離薦兮
魚鱗衣而白蜺裳登逢龍而下隕兮違故都之漫漫思
南郢之舊俗兮腸一夕而九運揚流波之潢潢兮體溶
溶而東回心悵悵以求思兮意晻晻而自頽白露紛紛
以塗塗兮秋風瀏瀏以蕭蕭身未流而不還兮魂長逝
而常愁歎曰譬彼流水紛紛揚揚兮波逢洶涌紛紛滂沛兮
揄揚滌蕩漂流隕往觸岑石兮龍印將圈繚戾宛轉阻
相薄兮遭紛逢凶蹇離尤兮巫文揚采遺將來兮

逢紛

靈懷其不吾知兮靈懷其不吾聞就靈懷之皇祖兮愬
靈懷之鬼神靈懷曾不吾知兮即聽夫讒人之諛辭余
辭上參於天墜兮旁引之於四時指日月使延照兮撫
招搖以質正立師曠俾端詞兮命咎繇使並聽珉出名
曰正則兮卦發字曰靈均余幼既有此鴻節兮長愈固
而彌純不從俗而詖行兮直躬指而信志不枉繩以追
曲兮屈情素以從事端余行其如玉兮述皇輿之踵跡
群阿容以晦光兮皇輿覆以幽辟輿中塗以回畔兮駟
馬驚而橫犇執組者不能制兮必折軛而摧轅斷鑣銜

以馳騫兮暮去次而敢止路蕩蕩其無人兮遂不禦乎
千里身衡陷而下沈兮不可獲而復登不顧身之卑賤
兮惜皇輿之不與出國門而端指兮方冀壹寤而錫還
哀僕夫之坎毒兮屢離憂而逢患九年之中不吾反兮
思彭咸之水遊惜師延之浮渚兮赴汨羅之長流遵曲
江之逶移兮觸石碣而衡遊波澧澧而揚澆兮順長瀨
之濁流凌黃沱而下低兮思還流而復反玄輿馳而並
集兮身容與而日遠擢舟杭以橫灑兮濟湘流而南極
立江界而長吟兮愁哀哀而累息情慌忽以忘歸兮神
浮遊以高厲志蛩蛩而懷顧兮覓眷眷而獨逝歎曰余
思舊邦心依違兮日暮黃昏嗟幽悲兮去郢東遷余誰
慕兮讒夫黨旅其以茲故兮河水淫淫情所願兮顧瞻
郢路終不返兮

靈懷

唯鬱鬱之憂毒兮志坎壈而不違身憔悴而考旦兮日
黃昏而長悲閔空宇之孤子兮哀枯楊之冤雛孤雌吟
於高墉兮鳴鳩棲於桑榆玄蟻失於潛林兮獨偏弃而
遠放征夫勞於周行兮處婦憤而長望申誠信而罔違
兮情素潔於紉帛光明齊於日月兮文采耀於玉石傷
厭次而不發兮思沈抑而不揚芳懿懿而終敗兮名糜
散而不彰昔玉門以薺驚兮蹇離尤而干詬若龍逢之
沈首兮王子比干之塗隘念社稷之幾危兮反為讐而
見怨思國家之離沮兮躬獲愆而結難若青繩之偽質
兮晉驪姬之友情悲登階之逢死兮故退伏於末庭孽

子之號咷兮本朝無而不治犯顏色而觸諫兮及蒙辜
而被疑苑薜蘿與苗若兮漸藁木於沔濱淹芳芷於腐
井兮弃雞駭於筐篋執采谿以刺蓬兮秉干將以割肉
筐澤瀉以豹鞞兮破荆和以繼築時溷獨猶未清兮世
敬亂猶未察欲容與以疾時兮懼年歲之既晏顧屈節
以從流兮心鞏鞏而不夷寧浮沉而馳騁兮下江湘以
遭迴歎曰山中檻檻余傷懷兮征夫皇皇其孰依兮經
榮原野杳冥冥兮乘騏驎舒吾情兮歸骸舊邦莫誰
語兮長辭遠逝乘湘去兮

離世

志隱隱而鬱怫兮愁獨哀而冤結腸紛紜以繚轉兮涕
漸漸其若屑情慨慨而長懷兮信上皇而質正合五嶽
與八靈兮訊九魁與六神指列宿以白情兮訴五帝以
置詞北斗為我質中兮太一為余聽之云服陰陽之正
道兮御后土之中和佩蒼龍之蚺虬兮帶隱虹之透虵
曳彗星之皓旰兮撫朱爵與鷓鴣遊清霧之颯戾兮服
雲衣之披披杖玉策與朱旗兮垂明月之玄珠舉霓旌
之帶翳兮建黃昏之總旄躬純粹而罔愆兮承皇考之
妙儀惜往事之不合兮橫汨羅而下屬乘隆波而南度
兮逐江湘之順流赴陽侯之潢汙兮下石瀨而登洲陸
魁堆以蔽視兮雲冥冥而闇前山峻高以無垠兮遂曾
閔而迫身雪雰雰而薄木兮雲霏霏而陰集阜隘狹而
幽險兮石嶮嵯以翳日悲故鄉而發分兮去余邦之彌
久背龍門而入河兮登大壻而望夏首橫舟航而濟湘

兮耳聊啾而愴慌波淫淫而周流兮
曼曼其無端兮周容容而無識引日月
更而釋思水波遠以冥冥兮眇不睹其
南北兮霧宵晦以紛闇已杳杳以西
迫欲酌醴以娛意兮蹇騷騷而不釋歎
曰飄風蓬龍埃拂拂兮山木搖落特槁
悴兮遭傾遇禍不可救兮長吟未歛涕
滂滂兮舒情嗽詩冀以自免兮頽流下
逝身日以遠兮

怨思

悲余性之不可改兮屢懲艾而不
貌揭揭以巍巍譬若王儁之乘雲兮
載赤霄而凌太清欲與天地參壽兮
與日月而比榮登崑崙而北首兮悉
靈園而來謁選鬼神於太陰兮登閭
闔於玄闕回朕車俾西引兮褰虹旗
於玉門馳六龍於三危兮朝四靈於
九濱結余軫於西山兮橫飛谷以南
征絕都廣以直指兮歷祝融於朱冥
枉玉衡於炎火兮委兩館於咸唐貴
頽濛呂東竭兮維六龍於扶桑周流
覽於四海兮志升降呂高馳徵之神
於回極兮建虹采呂招指駕鸞鳳呂
上遊兮從玄鶴與鷓朋孔鳥飛而送
迎兮騰群鶴於瑤光排帝宮與羅囿
兮升懸圃呂眩滅結瓊枝呂雜佩兮
立長庚呂繼日凌驚雷呂軼駭電兮
綴鬼谷於北辰鞭風佃使先驅兮囚
靈玄於虞淵愬高風以徘徊兮覽周
流於朔方就顛頊而瞰詞兮考玄冥
於空桑旋車逝於崇山兮奏虞舜於
蒼梧濟楊舟於會稽兮就申胥於五

瀾見南郢之流風兮殞余軀於沅湘望舊邦之黯黯兮
時溷濁猶未央懷蘭茝之芬芳兮妬被離而折之張絳
帷且襜褕兮風邑邑而蔽之已嗷嗷其西舍兮陽炎炎
而復顧聊假日以須史兮何騷騷而自故歎曰譬彼蛟
龍乘雲浮兮汎淫瀕溶紛若霧兮潺湲轆雷動電發
馭高舉兮升虛凌冥沛濁浮清入帝宮兮搖翹奮羽馳
風騁雨遊無窮兮

遠逝

覽屈氏之離騷兮心哀哀而怫鬱聲嗷嗷以寂寥兮顧
僕夫之憔悴撥諛諛而匡邪兮切澠澠之流俗盪漑淩
之姦咎兮夷蠢蠢之溷濁懷芬香而挾蕙兮佩江離之
菲菲握申椒與杜若兮冠浮雲之峨峨登長陵而四望
兮覽芷圃之蠶蠶遊蘭皋與蕙林兮睨玉石之嶮嵯揚
精華以眩耀兮芳鬱渥而純美結柱樹之旖旎兮紉筌
蕙與辛夷芳若茲而不御兮捐林薄而苑死驅子僑之
犇走兮申徒狄之赴淵若夷由之純美兮介子推之隱
山晉申生之離殃兮荆和氏之泣血吳子胥之快眼兮
王子比干之橫廢欲卑身而下體兮心隱惻而不置方
園殊而不合兮鉤繩用而異態欲竢時於須臾兮日陰
曠其將暮時遲遲其日進兮年忽忽而日度妄周容而
入世兮內距閉而不開竢時風之清激兮愈氛霧其如
塵進雄鳩之耿耿兮讒紛紛而蔽之默順風以偃仰兮
尚由由而進之心憤悵以寃結兮情舛錯以曼曼蹇薛
荔於山野兮采撚枝於中州望高丘而歎涕兮悲吸吸

而長懷孰契契而委棟兮日晡晡而下頽歎曰油油江
湘長流汨兮挑揄揚波盪迅疾兮憂心展轉愁悒鬱兮
冤結未舒長隱忿兮一時逢殃孰可柰何兮勞心悒悒
涕滂沱兮

惜賢

悲余心之悒悒兮哀故邦之逢殃辭九年而不復兮獨
瑩瑩而南行思余俗之流風兮心紛錯而不受遵壅莽
以呼風兮步從容於山藪巡陸夷之曲衍兮幽空虛以
寂寞倚石巖以流涕兮憂憔悴而無樂登嶺岼以長企
兮望南郢而闚之山修遠其遼遼兮塗漫漫其無時聽
玄鶴之曼鳴兮于高岡之峨峨獨憤積而哀娛兮翔江
洲而安歌二鳥飛飛以自南兮覽其志而欲北願寄言
於三鳥兮去飄疾而不可得欲遷志而改操兮心紛結
而未離外彷徨而遊覽兮內惻隱而含哀聊須臾以時
忘兮心漸漸其煩錯願假簧以舒憂兮志紆鬱其難釋
歎離騷以揚意兮猶未殫於九章長嘘吸以於悒兮涕
橫集而成行傷明珠之赴泥兮魚眼璣之堅藏同鴛羸
與乘駟兮雜班駁與闌茸葛藟蔓於桂樹兮鴟鴞集於
木蘭偃促談於廊廟兮律魁放乎山閒惡虞氏之蕭韶
兮好遺風之激楚潛周鼎於江淮兮爨土鬻於中宇且
人心之有舊兮而不可保長邇彼南道兮以征夫宵行
思念郢路兮還顧睽睽涕流交集兮泣下連連歎曰登
山長望中心悲兮苑彼青青泣如頰兮留思北顧涕漸
漸兮折銳摧衿凝汜濫兮念我瑩瑩魂誰求兮僕夫慌

悴散若流兮

憂苦

昔皇考之嘉志兮喜登能而亮賢情純潔而罔歲兮姿
盛質而無愆放佞人與諂諛兮斥讒夫與便嬖親忠正
之悃誠兮招貞良與明智心溶溶其不可量兮情澹澹
其若淵回邪辟而不能入兮誠願藏而不可遷逐下秩
於後堂兮迎宓妃於伊雒荆譏賊於中厠兮選呂管於
榛薄叢林之下無怨士兮江河之畔無隱夫三苗之徒
以放逐兮伊臯之倫以充廬今反表以爲裏兮顛裳以
爲衣戚宋萬於兩楹兮廢周邵於遐夷却騏驥以轉運
兮騰驢羸以馳逐蔡女黜而出帷兮戎婦入而綵繡服
慶忌囚於阱室兮陳不占戰而赴圍破伯牙之號鍾兮
挾人箠而彈緯藏璿石於金匱兮捐赤瑾於中庭韓信
蒙於介冑兮行夫將而攻城莞芎棄於澤洲兮咆蠚蠹
於筐篚麒麟奔於九臯兮能羅群而逸囿折芳枝與璫
華兮樹枳棘與薪柴掘荃蕙與射干兮耘藜藿與蘘荷
惜今世其何殊兮遠近思而不同或沉淪其無所達兮
或清激其無所通哀余生之不當兮獨蒙毒而逢尤雖
蹇蹇以申志兮君乖差而屏之誠惜芳之菲菲兮反以
茲爲腐也懷椒聊之藹藹兮乃逢紛以罹詬歎曰嘉皇
既歿終不返兮山中幽險郢路遠兮讒人譏譏孰可愬
兮征夫罔極誰可語兮行險累欷聲喟喟兮懷憂含戚
何佗僚兮

愍命

冥冥深林兮樹木鬱鬱山參差以嶮巖兮阜杳杳以蔽
日悲予心之悄悄兮目眇眇而遺泣風騷屑以搖木兮
雲吸吸以湫戾悲余生之無歡兮愁倥偬於山陸旦徘徊
於長阪兮夕彷徨而獨宿髮披披以纒纒兮躬劬勞
而瘖悴覓徃徃而南行兮泣霑襟而濡袂心嬋媛而我
告兮口噤閉而不言違郢都之舊閭兮回湘沅而遠遷
念余邦之橫陷兮宗鬼神之無次閔先嗣之中絕兮心
惶惑而自悲聊浮遊於山陬兮步周流於江畔臨深水
而長嘯兮且倘佯而汎觀與離騷之微文兮冀靈修之
壹悟還余車於南郢兮復往軌於初古道修遠其難遷
兮傷余心之不能已昔三五之典刑兮絕洪範之辟紀
播規槩以背度兮錯權衡而任意操繩墨而放弃兮頌
容幸而侍側甘棠枯於豐茸兮藜棘樹於中庭西施片
於北宮兮此惟倚於彌楹烏獲戚而駮乘兮燕公操於
馬圍崩賸登於清府兮咎繇棄於壑外蓋見茲以求歎
兮欲登階而狐疑乘白水而高鶩兮因徙弛而長詞歎
曰倘佯墟阪沼水深兮容與漢渚涕淫淫兮鍾牙已死
誰為聲兮織阿不遇焉舒情兮曾哀悽欬心離離兮還
顧高丘泣如灑兮

思古

反騷

楊子雲

有周氏之蟬嫣兮或鼻祖於汾陽靈宗初謀伯僑兮流
於末之揚侯淑周楚之豐烈兮超既離虜皇波因江潭
而泚記兮欽申楚之湘纍惟天軌之不辟兮何純絜而
離紛紛纍以其漁忍兮暗纍以其續紛漢十世之陽朔

方招搖紀于周正正皇天之清則兮度后土之方貞圖
纍承彼洪族兮又覽纍之昌辭帶鉤矩而佩衡兮履
槍以爲綦纍初貯厥麗服兮何文肆而質靡資姬娃之珍
鬒兮鬻九戎而索賴鳳皇翔於蓬階兮豈駕鵝之能捷
騁驂騶以曲躡兮驢騾連蹇而齊足枳棘之榛榛兮
狡擬而不敢下靈修既信椒蘭之咬佞兮吾纍忽焉而
不早瞻衿芟茹之綠衣兮被夫容之朱裳芳酷烈而莫
聞兮不如襞而幽之離房閨中容競淖約兮相態以臞
佳知衆媼之嫉妬兮何必颺纍之娥眉懿神龍之淵潛兮
埃慶雲而將舉亡春風之被離兮孰焉知龍之所處愍
吾纍之衆芬兮颺燁燁之芳苓遺季夏之凝霜兮慶天
頽而喪榮橫江湘以南漑兮云走乎彼蒼吾龍江潭之
汎溢兮將折衷乎重華舒中情之煩或兮恐重華之不
纍與陵陽侯之素波兮豈吾纍之獨見許精瓊靡與秋
菊兮將以延夫天年臨汨羅而自隕兮恐日薄於西山
解扶桑之總纒兮縱令之遂奔馳鸞皇騰而不屬兮豈
獨飛廉與雲師卷薜芷與若惠兮臨湘淵而投之棍申
椒與菌桂兮赴江湖而漚之費椒楮以要神兮又勤索
彼瓊茅違靈氛而不從兮反湛身於江臯纍既化古攀字
夫傳說兮奚不信而遂行徒恐鸚鵡之將鳴兮顧先百
草爲不芳初象棄彼處妃兮更思瑤臺之逸女抨雄鳩
以作媒兮何百離而曾不壹耦乘雲霓之旖旎兮望崑
崙以穆流覽四荒而顧懷兮奚必云女被高丘既亡鸞
車之幽藹兮焉駕八龍之委蛇臨江瀕而掩涕兮何有

九招與九歌夫聖哲之不遭兮固時命之所有雖增歎
以於邑兮吾恐靈修之不屢改昔仲尼之去魯兮斐斐
遲遲而周邁終回復於舊都兮何必湘淵與濤瀨涵漁
父之舖歎兮潔沐浴之振衣棄由聃之所珍兮躡彭咸
之所遺

九思

王叔師

悲兮愁哀兮憂天生我兮當闇時被誅譖兮虛獲尤心
煩憤兮意無聊嚴載駕兮出戲遊周八極兮歷九州求
軒轅兮索重華世既卓兮遠眇眇握佩玖兮中路躇羨
皇繇兮建典謨懿風后兮受瑞圖愍余命兮遭六極委
王質兮於泥塗遽億違兮驅林澤步屏營兮行丘阿車
軌折兮馬虺頽憊悵立兮涕滂沲思丁文兮聖明哲哀
子差兮迷謬愚呂傅舉兮殷周興忌妬專兮郢吳虛仰
長嘆兮氣餽結悵殞絕兮活復蘇虎兕孕兮於廷中豺
狼鬪兮我之隅雲霧會兮日冥晦飄風起兮揚塵埃走
鬯壹兮作東西欲竄伏兮其焉如念靈囿兮奧重深輒
願竭節兮隔無由望舊邦兮路委隨憂心悄兮志勤劬
寃梵梵兮不遑寐目眩眩兮寤終朝

逢尤

令尹兮警警羣司兮讓讓哀哉兮漚漚上下兮同流救
羸兮蔓衍芳藟兮挫枯朱紫兮雜亂曾莫兮別諸倚此
兮巖穴未思兮窈悠嗟懷兮眩惑用志兮不昭將喪兮
玉斗遺失兮鈕樞我心兮煎熬惟憂兮川壘集慕兮九
旬退顧兮彭務擬斯兮二蹤

川壘謠吟兮中壘

上察兮璇璣大火兮西睨攝提兮運低雷霆兮碾礧電
霰兮霏霏奔電兮光晃涼風兮愴悽鳥獸兮驚駭相從
兮宿棲鴛鴦兮嗷嗷狐狸兮嶽嶽哀吾兮介特獨處兮
罔依蝼蛄兮鳴東螽蟻兮號西載綠兮我裳蠹入兮我
懷蟲豸兮夾余惆悵兮自悲佇立兮忉怛心結縉兮折
摧

怨上

周徘徊兮漢渚求水神兮靈女嗟此國兮無良謀女詘
兮譴謔鵙雀列兮譁謹鵠鵠鳴兮聒余抱昭華兮寶璋
欲銜鬻兮莫取言逝邁兮北徂叫我友兮配耦日陰曠
兮未光閔暄霏兮靡睹紛載驅兮高馳將諮詢兮皇羲
遵河臯兮周流路變易兮時垂瀾滄海兮東遊沐皇浴
兮天池訪太昊兮道要云靡貴兮仁義志欣樂兮反征
就周文兮邠岐秉玉英兮結誓日欲暮兮心悲惟天祿
兮不再昔我信兮自違踰隴堆兮渡漠過桂車兮合黎
赴崑山兮鬲駮從盧敖兮棲遲吮玉液兮止渴齧芝華
兮療飢居嶮廓兮眇疇遠梁昌兮幾迷望江漢兮濩浩
心緊綮兮傷懷時朏朏兮且旦塵漠漠兮未晞憂不暇
兮寢食吒增歎兮如雷

疾世

哀世兮碌碌譏譏兮嗑啜衆多兮阿媚醜靡兮成俗貪
枉兮黨比貞良兮莞獨鵠竄兮枳棘鶉集兮帷幄薊藜
兮青杏葉本兮萎落覩斯兮僞惑心違兮隔錯逡巡兮
圃藪率彼兮吟陌川谷兮淵淵山島兮硤硤叢林兮崦

嶮林榛兮岳岳霜雪兮灌澧冰凍兮洛澤東西兮南北
罔所兮歸薄庇廕兮枯樹芻芻兮巖石踈跼兮寒局數
獨處兮志不申年齒盡兮命迫促魁纍擠摧兮常困辱
含憂強老兮愁無樂鬚髮蔓頽兮顙鬢白思雲澤兮一
膏沐懷蘭英兮把瓊若待天明兮立躑躅雲濛濛兮電
儵爍孤鷓鷯兮鳴啾啾思怫鬱兮肝切剝忿悁悒兮孰
訴告

憫上

悼屈子兮遭厄沈玉躬兮湘汨何楚國兮難化迄于今
兮不易士莫志兮羔裘競佞諛兮讒閱閱指正義兮為
曲訛璧玉兮為石鶻鷗遊兮華屋鷄鷄棲兮柴蔟起奮
迅兮奔走違群小兮謏詢載青雲兮上昇適昭明兮所
虞躡天衢兮長驅躡九陽兮戲蕩越雲漢兮南濟林余
馬兮河鼓霄霓紛兮晡翳參辰回兮顛倒逢流星兮問
路顧指我兮從左徑姬紫兮直馳御者迷兮失軌遂踣
達兮邪造與日月兮殊道志闕絕兮安如哀所求兮不
耦攀天階兮下視見鄢郢兮舊宇意逍遙兮欲歸衆穢
盛兮杳杳思哽噎兮詰詘涕流瀾兮如雨

遭厄

嗟嗟兮悲夫殺亂兮紛挐茅絲兮同綠冠履兮共絢督
蕙兮侍宴周邵兮首翳白龍兮見歟靈龜兮執拘仲尼
兮困厄鄒衍兮幽囚伊余兮念茲奔遁兮隱居將升兮
高山上兮有兮猿猿欲入兮深谷下有兮虺蛇左見兮鳴
鵙右睹兮呼梟惶悸兮失氣踴躍兮距跳便旋兮中原

仰天兮增歎管蒯兮椳莽藿葦兮千眠鹿蹊兮斷斷
貉兮蟬蟬鷓鴣兮軒軒鷓鴣兮甄甄哀我兮寡獨靡有
兮匹倫意欲兮沈吟迫日兮黃昏玄鶴兮高飛增逝兮
青真鷓鴣兮啾啾山鵲兮嚶嚶鴻鷓兮振翅歸鴈兮未
征吾志兮覺悟懷我兮聖京垂屣兮將起跬跬兮須臾

悼亂

惟昊天兮昭靈陽氣發兮清明風習習兮蘇煖百草萌
兮華榮董荼茂兮敷疏蘅芷彫兮瑩頰愍貞良兮遇害
將天折兮碎糜時混混兮澆饋哀當世兮莫知覽往昔
兮俊彥亦詘辱兮係纍管束縛兮桎梏百質易兮傳賣
遭相繆兮識舉才德用兮列施且從容兮自慰玩琴書
兮遊戲迫中國兮迤邐吾欲之兮九夷超五嶺兮嵯峨
觀浮石兮崔嵬陟丹山兮炎野屯余車兮黃支就祝融
兮稽疑嘉已行兮無為乃回謁兮北逝遇神媯兮宴娛
欲靜居兮自娛心愁感兮不能放余轡兮策駟忽風騰
兮雲浮蹶飛杭兮越海從安期兮蓬萊綠天梯兮北上
登太一兮玉臺使素女兮鼓簧乘文蘇兮謳謠聲噉訛
兮清和音晏衍兮要姪咸欣欣兮酬樂余眷眷兮獨悲
顧章華兮太息志戀戀兮依依

傷時

昊天兮清涼玄氣兮高朗北風兮潦烈草木兮蒼唐蚺
蚺兮噍噍唧蛆兮穰穰歲忽忽兮惟暮余感時兮悽愴
傷俗兮泥濁蒙蔽兮不章寶彼兮沙礫捐此兮夜光椒
瑛兮涅汗菴耳兮充房攝衣兮緩帶操我兮墨陽昇車

兮命僕將馳兮四荒下堂兮見蠹出門兮觸蠹巷有兮
蚰蜒邑多兮螳螂睹斯兮嫉賊心為兮切傷俛念兮予
胥仰憐兮比干投劍兮脫冕龍屈兮蜿蟺潛藏兮山澤
匍匐兮叢攢窺見兮溪澗流水兮汙汙龜鼉兮欣欣鱸
鮎兮延延群行兮上下駢羅兮列陳自恨兮無友特處
兮榮榮冬夜兮陶陶雨雪兮冥冥神光兮頰頰鬼火兮
熒熒修德兮困控愁不聊兮遑生憂紆兮鬱鬱惡所兮
寫情

哀歲

陟玉巒兮逍遙覽高岡兮嶢嶢桂樹列兮紛敷吐紫華
兮布條實孔鸞兮所居今其集兮惟鴉烏鵲驚兮啞啞
余顧瞻兮怊怊彼日月兮闇昧障覆天兮稜氛伊我后
兮不聽焉陳誠兮効忠摠羽翮兮超俗遊陶遨兮養
乘六蛟兮蜿蟺遂馳騁兮陞雲揚慧光兮為旗秉電策
鞭朝晨發兮駉駉食時至兮增泉繞曲阿兮北次造我
車兮南端謁玄黃兮納贄崇忠貞兮彌堅歷九宮兮徧
觀睹祕藏兮寶珍就傳說兮騎龍與織女兮合婚舉天
畢兮掩邪殼天弧兮舛姦隨真人兮翺翔食元氣兮長
存望太微兮穆穆睨三階兮炳分相輔攻兮成化建烈
業兮垂勳日警警兮西沒道遐迥兮阻歎志穉積兮未
通悵敞罔兮自憐

守志

亂曰天庭明兮雲霓藏三光朗兮鏡萬方斤蜚蜴兮進
龜龍策謀從兮翼機衡配稷契兮恢唐功嗟英俊兮未

為雙

九愍

陸士龍

昔屈原放逐而離騷之辭興自今及古文雅之士莫不以其情而玩其辭而表意焉遂則作者之末而述九愍裔皇聖之豐祐膺萬乘之多福真龍暉以底載啓元辰而誕育考度中以錫命端嘉令而自肅蘭情馥以芬香瓊懷皎其如玉希千載以遙想想遠思而自怡範方地而式矩儀穹天而承規結丹款於璇璣協未誠於四時咨中心之信脩佩日月以為旗悲年歲之晚暮殉脩名而競心仰勲華之耿暉詠三辟之遐音握遺芳而自玩挹浩露於蘭林陰雲紛以興靄颺風起而回波黨明淫以惡美疾傾宮之楊娥樹椒蘭於瑤圃掩夜光於瓊華

諱貞心以推忒毀玉質而蒙瑕甘莠言而棄予忽遐放其若遺瞻前軌而我先顧後乘而駕遲遵荒塗而伏軾撫鳴鸞而稱悲感瞻烏之有集嗟離瘼之焉歸靜沉思以自瘁願凌雲而天飛

修身

逢天怒而離紛遘時咎於惟塵端周誠以恪民祗後命而自寅悲讒口之罔極高離情於參辰豈三錫之又晞乃裔予於遐賓運羽權以涉江浮鄂渚而駕言背夏首以窘逝兮汴行川而未歎結風回而薄木兮源波榮而重瀾情懷眷以疊結舟淹流而中盤相愁心以自邁肅榜人而曾驅詔河馮以清川命湘娥而安流濟南詔以佇望野蕭條而振疇獸悲號以命旅鳥狂顧而鳴仇悲

廣文選卷第九
我行之悠悠怨同懷之莫求發辰陽而往彼緣湘沅而
來假亦芳樹於縣車秣梁苗於樊馬山高高以藏景雲
掩靄而荒野鳥拊翼於薨巔水回波於宇下指明星以
脉路景即陰而無旅隨長川以問津響修聲而和予聽
歸音以自聞踐無迹以窮處雖邁愍之既多亦顛沛其
何侮仰衆芳之遺情希絕風之延佇

涉江

亂曰有鳥翾飛集江湘兮彼美一人莫予將兮念茲涉
江懷故鄉兮生日何短感日長兮顧我愁景惟末傷兮
積沉毒於苦心蒐憑虛以飄蕩形息景於重陰虎鳴鷗
以拂谷螭回雲而結林操土音以懷郢涕頻代而盈襟
辭終古之舊墟託茲邦而遙集望龍門而屢顧攀惟桑
而祗泣悲惠之難狀振枯形而獨立撫彫容之日頽悵
炯思而弗及聞先黎之達教固積善於遺慶晞明休而
受言想介福之保定靡心貞以祗服泝大順而委命若
在初之嘉惠每成言而末日怨谷風之攸歎彌九齡而
未徹願自獻於承間悲黨人之造膝舒幽情其曷訴卷
末懷而淹恤嗟哲士之足歎傷邦家之殄瘁痛靈修之
匪懷頽九成於一匱忘大寶之勿假輕挈瓶之守器仰
剪翮於凌霄俯歸飛於矰蔚毀方城於秦川投江漢於
泥渭悲彼秦之在郢悼宗楚之莫餼撫傷心以告哀將
斯情之孰慰

悲郢

登高山以遐望悲悠處以淹流豈大川之難濟悲利涉

之莫由申修誠以底節反內鑒而自求考余心其焉可
往稽度於神謀訪斯言以卜居想貞龜以告猷將矯翼
而塗險思振清而世濁羌釋筭而評子諒不疑其何卜
朝彈冠以晞髮夕振裳而濯足有懷沙以赴淵無抱素
而蒙辱愁纏綿以宅心長歎息而飲淚步江潭以彷徨
頓行吟而含瘁遇漁父之戾止興謹言而來憇雖懷芳
而握瑜懼惟塵之我穢顧虛景而端形矧同波於其醉
迨伊人之逍遙聊仰葉於林側懷達心以遠寤怡哀顏
而表色仰班荆之遺情想嘉訊而良食若有言而未吐
忽棄予而凌波揮龍榜以鼓汰遺芬響而清歌俟滄浪
之濯纓悲余壽之幾何愧褊心之歎渝恨爾謁之莫和
捐江魚之言志營玄寢於汨羅苟懷忠而死節豈有生
之足嘉

行吟

悲怨思之多感情惆悵而遠慕世玄黃而既渝心居貞
而抱素冀斯氣之一清要佳人於天路考年載以遲之
悲歲聿之已暮攬豐草於朝日思先晞於湛露規法圓
而天象矩則方於地形祗信順以自範邀式穀於神聽
悲登竟之無抗訊貞夢而選靈悔相道而懷顧悲實蕃
之已盈頑椒丘而息駕振初服而翱翔結瓊粧之芳襟
襲凌華之藻裳懷瑤林之珍秀握蘭野之芳香命巫咸
以啓期訪百神而考祥靖求言以聽命欽靈辭而肅邁
振華冕之玉藻樹象軒之高蓋率假翼以鳴和霓揮景
而縈旒芳塵穆以煙煴彤雲起而深藹遊八極以大觀

解飛纏以長想將結軌而世狹願援楫而川廣雖我服
之方壯思振策其安往舒遠懷以弭節塞世羅於天網

紆思

亂曰倚倚芳草殖山阿兮朝日來照發豐華兮秋風蕭
瑟凝霜加兮傾葉懷春猶俟河兮徧周流而無過悲窮
思之未久聽幽荒而罔詔眷寥廓而無友沉流液於繩
樞逝回飈於甕牖呼寂寞而靡應覽虛無其何有神悠
悠而未念憂綢繆而盈室哀惻心而響起時棄予而景
逸招逝運其難徵儀遺軌而無律雖芳林之將焚豈蘭
響之可謚晞馥風於曠野思同芬而靡質命險太其靡
常道離隆而匪易紆幽情而思古援在昔而立辟俟重
華以同遊悲瑤圃之難適舟登陸其焉濟輪涉淵而無
迹悲荒途之既舛臨遵渚而投策欲隨波以周流恨匪
石之難頽將從風而卷舒悲宜矢之辭懷貞郎志而玉
折厲勁心而蘭摧喟我懷以寤歎闡前鑒而自融忠與
邪其莫可豈余命之所窮俯投迹而世洿仰晞志而道
隆耻蒙妬於同塵思振揮於別風明爽心以畢志考吾
道以自終

考志

天機偏其挺蓋玉衡運而回襄景彌修而日短時愈促
而夜長和音變而改律乘風革而為商感秋林之夙暮
悲芳草之中霜存攸忽而風過逝揮霍而雲散方輕焱
而炯遲比收電而景宴將愉樂以夙興迨良日於昧旦
痛予生之不辰逢此世之多難將藹藹而未颺世渾渾

其難澄風頽山以離谷波平淵以爲陵道曠世而朴散
化固滯而物凝恨輜德以莫舉悲民鮮之孰勝景照明
以妙見音振響而攄聞金淬堅以示斷芑靡質而效芬
罄貞規以殉節反蒙謫於明群咨小心以惴惴悲江草
之芸芸

感逝

亂曰浮雲晻藹天明息兮矰羅重設鳳矯翼兮梧桐逝
矣樹榛棘兮思我芳林喟嘆息兮哀時命之險薄懷斯
類以結憂手拊膺而未歎形顧景而長愁生遺年而有
盡居靜言其何須將輕舉以遠覽眇天路而高遊結垂
雲之翠虬駕琬琰之玉輿揮采旄以煙指靡華旌而電
舒命日月以清天吾將遊乎九閔命屏翳以夕降式飛
廉以朝興塗蒙雨而後清景貞暉而先登陪湘妃於彫
輅列漢女以後乘瓊娥起而清嘯神風穆其來應駢憑
雲而響駭驂嘘天而景凌望紫微以振策闡太階而遂
升飛芝蓋之翼翼回雲車之鱗鱗朝總轡於扶桑夕飲
馬於天津伐河鼓以解徵迄昆崙而凱振軌凌虛而遺
迹塵蒙飈而絕輪豈遠遊之無樂懷故都而傷情靡龍
首以還顧轉瑤衡而回繁斥凱風以流盼悲舊邦之穢
傾眷南雲以興悲蒙東雨而涕零凌百川而絕蹈仰濯
髮於崢嶸豈沉瘁之足弭將蟬蛻於長生

征

痛世路之隘狹詠遂古而長悲鏡端形於三接照直影
於太微祗中懷以眷慕豈鑿鑿而忘歸悼天朝之遂晦

稱貝錦於繁文侈南箕以鼓物謔清陽而播芬迹同塵
而壤絕景和光而天分俯隕息於縈波仰頽歎而崩雲
折若華以翳日時靡靡而難停冷秋菊以却老年冉冉
其既盈欲假翼以天飛怨曾颺之我經思戢鱗以遁沼
悲沉網之在淵有河清而志得挫千載之長年擠哀響
於頽風寓悲音於絕弦嗟有生之必死固逸我以自休
彼達人之遺物甘褰裳而赴流矧余情之沉毒資有生
以速憂悼居世其何感固形存其為尤想百年之促期
悲樂少而難多修與短其足奚曷久沉於汨羅投瀾漪
而負石涉清湘以懷沙臨恒流而自墜蒙濬壑之隆波
接申胥於南江
鼓冕雲以攜手仰接景
而登遐

廣文選卷第二十九

廣文選卷第三十

明通議大夫都察院右副都御史大庾劉節廣

七

七激

傅武仲

徒華公子託病幽處游心於玄妙清思乎黃老於是玄
通子聞而性屬曰僕聞君子當世而光迹因時以舒志
必將銘勒功勳懸著隆高今公子削迹藏體當年陸沉
變度易趣違拂雅心挾六經之指守偏塞之術意亦有
所蔽與何圖身之謬也僕將為公子論天下之至妙列
耳目之通好原情心之性理綜道德之彌奧豈欲聞之乎
公子曰僕雖不敏固願聞之玄通子曰洪梧幽生生於
遐荒陽春後榮涉秋先彫晨飈飛礫孫禽相求積雪泚泚

中夏不流於是乃使夫遊官矢勢窮擯之士沫溺水越
炎火窮林薄歷隱深三秋乃獲斷之高岑梓匠摹度擬
以斧斤然後背洞壑臨絕谿聽迅波望層崖大師奏操
榮期清歌歌曰陟景山兮採芳苓哀不慘傷樂不流聲
彈羽躍水叩角奮榮沉微玄穆感物寤靈此亦天下之
妙音也子能強起而聽之乎玄通子曰單極滋味嘉旨
之膳藟黍常珍庶羞異饌澄養之魚膾其鯉魴分毫之
割纖如髮芒散如絕穀積如委紅殊芳異味厥和不同
既食日晏乃進夫雍州之梨出於麗陰下生正隰上託
桂林甘露聞其葉醴泉漸其根脆不抗齒在口流浦握
之摧沮批之離坼可以解煩消悅心意子能起而食之
乎玄通子曰驥騮之乘龍驤超擢騰虛鳥踊莫能執御
於是乃使王良理轡操以術教踐路促節機登颺驅前
不可先後不可追踰埃絕影倏忽若飛日不轉曜窮遠
旋歸此蓋天下之駿馬子能強起而乘之乎玄通子曰三
時既逝季冬暮歲玄冥終統度卉零悴王在靈囿講戎
簡旅於是駟驥騮乘輕軒麾旌旗鳴八鸞陳衆車于廣
隰散列騎乎平原屬還網以彌野連罽羅以營山部曲
周匝風動雲旋合團促陣禽獸駭殫仆不暇起窮不及
旋擊不待丹骨解肉離摧牙碎首分其文皮流血丹野
羽毛翳曰於是下蘭皋臨流泉觀通谷望景山酌旨酒
割芳鮮此天下之至娛也子能強起而觀之乎玄通子
曰當館侈飾洞房華屋楹栴雕藻文以朱綠曾臺百仞
臨望博見俯視雲霧騁目窮觀園藪平夷沼池漫衍禽

獸群交芳草華蔓於是賓友所歡近覽從容詹公沉餌
蒲且飛紅綸不虛出天不徒降投鉤必獲控弦加雙俯
盡深潛仰殫輕翼日移怠倦然後讌息列觴酌醴妖靡
侍側被華文曳綾縠弭隨珠佩琚玉紅顏呈素蛾眉不
畫脣不施朱髮不加澤升龍舟浮華池紆帷翳而未望
鏡形影於玄流偏滔滔以南北似漢女之神遊笑比日
之雙躍樂偏禽之匹嬉此亦天下之歡也子能強起而
與之遊乎玄通子曰漢之盛世存乎未平太和協暢萬
機穆清於是群俊學士雲集辟雍含詠聖術文質發矇
達犧農之妙旨照虞夏之典墳遵孔氏之憲則投顏閔
之高迹推義窮類靡不博觀光潤嘉美世宗其言公子
瞿然而興曰至乎主得聖道天基允臧明哲用思君子
所常自知沉溺又蔽不悟請誦斯語仰子法度

七辯

張平子

無為先生祖述列仙背世絕俗唯誦道篇形虛年衰志
猶不遷於是七辯謀焉曰無為先生淹在幽隅藏聲隱
景刻迹窮居抑其不建盍往辯諸乃階而就之虛然子
曰樂國之都設為閑館工輪制匠誦詭煥爛重屋百層
連閣周漫廳門鏘鏘華闕雙建彫虫彤綠蝟虹蜿蜒於
是彈比翼落鸞黃加雙鷄經鶯鶯然後擢雲舫觀中流
舉芙蓉集芳洲縱文身揮潛鱗探水玉拔瓊根收明月
之照曜玩赤瑕之璘珣此宮室之麗也子盍歸而處之
乎雕華子曰玄清白醴蒲陶醲醢嘉肴雜醢三難肉七
道荔支黃甘寒梨韓棗沙飭石蜜遠國儲珍於是乃有

腐豢脂牲麋麇豹胎飛鳥棲鶯養之以時審其齊和適
其辛酸芳以薑椒拂以桂蘭會稽之菰冀野之梁珍羞
雜暹灼爍芳香此滋味之麗也子盍歸而食之安存子
曰淮南清歌燕餘材舞列平前堂迺奏代序結鄭衛之
遺風揚流哇而脉激楚鼙鼓吹竽籟應律金石合奏妖
冶邀會觀者交目衣解忘帶於是樂中日晚移卽昏庭
美人妖服變曲爲清段賦新詞轉歌流聲此音樂之麗
也子盍歸而聽諸闕丘子曰西施之徒姿容修嫵弱顏
回植妍夸閑暇形似削成畧如束素淑性窈窕秀色美豔
鬢髮玄髻光可以鑿鑿輔巧笑清眸流盼皓齒朱唇的
爍粲練於是紅華曼理遺芳酷烈侍夕先生同茲宴秦
假明蘭燈指圖觀列蟬綿宜愧天紹紆拆此女色之麗
也子盍歸而從之空桐子曰交趾緌絺筒中之紵京城
阿縞譬之蟬羽製爲時服以適寒暑駟秀騏之駁駿載
軫獵之輜車建采虹之長旃系雌霓而爲旗逸駭飈於
青丘超廣漠而永逝此輿服之麗也子盍歸而乘之依
衛子曰若夫赤松王喬羨門安期嘘吸沆瀣飲醴茹芝
駕應龍戴行雲桴弱水越炎氛覽八極度天垠上遊紫
宮下棲崑崙此神仙之麗也子盍行而求之先生乃興
而言曰吁美哉吾子之誨穆如清風啓乃嘉猷定慰我
心矯然傾首邪睨玄圃軒臂矯翼將飛未舉髣無子曰
在我聖皇躬勞至思參天兩地匪怠厥司率由舊章遵
彼前謀正邪理謬靡有所疑旁窺八索仰鏡三墳講禮
習樂儀則彬彬是以英人底材不賞而勸學而不厭教

而不倦於是二八之儔列乎帝庭揆事施教地平天成
然後建明堂而班辟雍和邦國而悅遠人化明如日下
應如神漢雖舊邦其政惟新而先生乃翻然迴面曰君
子一言於是觀智先民有言談何容易予雖蒙蔽不敏
指趣敬授教命不敢是務

七徵

陸士衡

玄虛子耽性冲素雍容玄泊棄時俗而弗徇甘漁釣於
一壑乃有通微大夫怨皇居之失寶傷鴻誓之後聞策
玄黃於榛險憑穴崑而放言通微大夫曰奇膳玉食窮
滋致豐簡犧羽族老牲毛宗俯出沉鮪仰落歸鴻剖柔
胎於孕豹宰潛肝平豢龍拾朝陽之遺卵納丹穴之飛
鳳神宰奇稔嘉禾之穗含滋發馨素纈玉銳灼若皓雪

之類玄雲皎若明珠之積縹緲
而相徽味雖濃而弗爽氣既惠而復奇介景福於眉壽
裕温克乎齊聖子能饗之乎通微大夫曰豐屋華殿奇
構磊落萬宇雲覆千楹林錯仰綏瑰木俯積瓊石敷正
表之廣廡矯凌霄之高閣秀清暉乎雲表騰藻蔭之奕
奕珍觀清榭岳立連行雲階飛陛仰涉穹蒼聳浮柱而
虬立施飛檐以龍翔回房旋室綴珠襲玉圖畫神仙延
祐承福懸闈高達長廊廻屬於
登漸臺理俊音鏡玄
止望長林逐狡獸七輕禽覽壯藝以况觀聆和樂而怡
心子能居之乎通微大夫曰金石諧而齊響填箎協而
和鳴於是才人進羽籥玄弁被藻襲俯紫領以鴻歸仰
矯首而鶴立激長歌於丹唇鏗鏘乎柔木合清商以

絕節揮流徵而赴曲奏商荆之高歎詠易水之清角爾
乃覩蛾眉之群麗容既都而又閑矯織腰以逐節頓結
足於鼓盤舒妍暉以妖韶若陵危之未安通微大夫曰
蓋聞洙北有采唐之恩淇上有送予之歎關雎以寤寐
爲戚溱洧以詭浪爲歡若夫妖嬈豔女蒐群擢俊穆蒸
儀於今表茂當年之采嫚罄妍媸之約綽體每變而增
閑秀紅粧其愉愉若餘頰之可食若夫靈畧潛祖顏退
羽觴升清琴厲音清明以宣誠流微睇而授愛纖手揮
而鳴佩鏗華衿被則芳塵萃子其納之乎通微大夫曰
塗有殊而一牧業有殊而名約各因姿以效績期寄響
於天人也孰與顯奇蹤於萬邦撫六轡而高遊轍八宇
以攄眇齊清風乎諸侯言成否泰氣作溫涼弭侵畧於
日明主應期撫民以德配仁風於唐齊威靈乎虞
燹倫幸序庶績感八湯流風於雍俗給天民乎齊秦是
以玄靈感而表應嘉神繁而畢覲舞唐庭之來儀鳴岐
陽之鸞鷲應天監之休命荷神聽之介福然聖主達特
盈之寶術寤經國之在實各畢榮於分局期贊化於大
鈞吾子豈不欲縻好爵於天宇顯列業乎帝臣歟玄虛
子作而言曰甚哉鄙人之惑也猶窮繩自逸於井幹憑
河盜本於黃川欽至論敷敝衽謹聞命於王孫

廣文選卷第三十一

明通議大夫都察院右副都御史大庾劉節廣

詔上

入關告諭詔

漢高帝

父老苦秦苛法久矣誹謗者族耦語者棄市吾與諸侯約先入關者王之吾當王關中與父老約法三章耳殺人者死傷人及盜抵罪餘悉除去秦法吏民皆安堵如故凡吾所以來為父兄除害非有所侵暴毋恐且吾所以軍霸上待諸侯至而定約束耳

告為義帝發喪詔

漢高帝

天下共立義帝此而事之今項羽放殺義帝江南大逆無道寡人親為發喪兵皆縞素悉發關中兵收三河士

南浮江漢以下願從諸侯王擊楚之殺義帝者

尊太公曰太上皇詔

漢高帝

人之至親莫親於父子故父有天下傳歸於子子有天
下尊歸於父此人道之極也前日天下大亂兵革並起
萬民苦殃朕親被堅執銳自帥士卒犯危難平暴亂立
諸侯偃兵息民天下大安此皆太公之教訓也諸王通
侯將軍羣卿大夫已尊朕為皇帝而太公未有號今尊
太公曰太上皇

赦天下詔

漢高帝

兵不得休八年萬民與苦甚今天下事畢其赦天下殊
死以下

求賢詔

漢高帝

蓋聞王者莫高於周文作者莫過於齊桓皆待賢人而
成名今天下賢者智能豈待古之人乎患在人主不交
故也士多由進今吾以天之靈賢士大夫定有天下以
為一家欲其長久世世宗廟亡絕也賢人已與我共
平之矣而不與吾共安利之可乎賢士大夫有肯從我
遊者吾能尊顯之布告天下使明知朕意御史大夫昌
下相國相國鄼侯下諸侯王御史中執法下郡守其有
能稱明德者必身勸為之駕遣詣相國府署行義年有
而弗言覺免年老癯病勿遣

獄讞詔

漢高帝

獄之疑者吏或不敢決有罪者久而不論無罪者久繫
不決自今以來縣道官獄疑者各讞所屬二千石官

千石官以其罪名當報之所不能決者皆移廷尉廷尉亦當報之廷尉所不能決謹具為奏傳所當比律令以聞

答有司請建太子詔

漢文帝

朕既不德上帝神明未歆饗也天下人民未有愿志今縱不能博求天下賢聖有德之人而嬗天下焉而曰豫建太子是重吾不德也謂天下何其安之

議犯法相坐詔

漢文帝

法者治之正所以禁暴而衛善人也今犯法者已論而使無罪之父母妻子同產坐之及收朕甚弗取其議朕聞之法正則民慤罪當則民從且夫牧民而適之以安者吏也既不能道又以不正之法罪之是法反害於民為暴者也朕未見其便宜孰計之

議振貸詔

漢文帝

方春和時草木羣生之物皆有以自樂而吾百姓鰥寡孤獨窮困之人或阡於死亡而莫之省憂為民父母將何如其議所以振貸之

養老詔

漢文帝

老者非帛不煖非肉不飽今歲首不時使人存問長老又無布帛酒肉之賜將何以佐天下子孫孝養其親今聞吏稟當受鬻者或以陳粟豈稱養老之意哉具為令

日食詔

漢文帝

朕聞之天生斯民為之置君以養治之人主不德布政不均則天示之災以戒不治乃十一月晦日有食之適

見于天災孰大焉朕獲保宗廟以微眇之身託于士民
君王之上天下治亂在予一人唯二三執政猶吾股肱
也朕下不能治育羣生上以累三光之明其不德大矣
令至其悉思朕之過失及知見之所不及苟以啓生朕
及舉賢良方正能直言極諫者以匡朕之不逮因各敕
以職任務省繇費以便民朕既不能遠德故憫然念外
人之有非是以設備未息今縱不能罷邊屯戍又飭兵
厚衛其罷衛將軍軍大僕見馬遺財足餘皆以給傳置

除誹謗法詔

漢文帝

古之治天下朝有進善之旌誹謗之木所以通治道而
來諫者也今法有誹謗詆言之罪是使衆臣不敢盡情
而上無由聞過失也將何以來遠方之賢良其除之民
或祝詛上以相約而後相謾更以爲大逆其有他言由
又以爲誹謗此細民之愚無知抵死朕甚不取自今以
來有犯此者勿聽治

勸農詔

漢文帝

道民之路在於務本朕親率天下農十年于今而野不
加辟歲一不登民有饑色是從事焉尚寡而吏未加務
也昔詔書數下歲勸民種樹而功未興是吏奉吾詔不
勤而勸民不明也且吾農民甚苦而吏莫之省將何以
勸焉其賜農民今年租稅之半

置三老孝悌力田常員詔

漢文帝

孝悌天下之大順也力田爲生之本也三老衆民之師
也廉吏民之表也朕甚嘉此二三大夫之行今萬家之

縣無應令豈實人情是吏舉賢之道未備也其遣謁者勞賜三老孝者帛人五匹悌者力田二匹廉吏二百石必上率百石者三匹及問民所不便安而以戶口率置三老孝悌力田常員令各率其意以道民焉

除肉刑詔

漢文帝

蓋聞有虞氏之時畫衣冠異章服以為戮而民弗犯何治之至也今犯有肉刑三而姦不止其咎安在母乃朕德之薄而教不明歟吾甚自愧故夫訓道不純而愚民陷焉詩曰愷弟君子民之父母今人有過教未施而刑已加焉或欲改行為善而道亡繇至朕其憐之夫刑至斷支體刻肌膚終身不息何其刑之痛而不德也豈稱民父母之意哉其除肉刑有以易之及今罪人各以輕重不亡逃有年而免其為令

增祀無祈詔

漢文帝

朕獲執犧牲埴幣以事上帝宗廟十四年于今曆彌長以不敏不明而久撫臨天下朕甚自愧其廣增諸祀壇場珪幣昔先王遠施不求其報望祀不祈其福右賢左戚先民後已至明之極也今吾聞祀官祝釐皆歸福於朕躬不為百姓朕甚媿之夫以朕之不德而專嚮獨美其福百姓不與焉是重吾不德也其令祠官致敬無有所祈

議佐百姓詔

漢文帝

間者數年比不登又有水旱疾疫之災朕甚憂之愚而不明未達其咎意者朕之政有所失而行有過與乃天

道有不順地利或不得人事多失和鬼神廢不享與何
以致此將百官之奉養或廢無用之事或多與何其民
食之寡乏也夫度田非益寡而計民非加益以口量地
其於古猶有餘而食之甚不足者番為酒醪以靡穀者
多六畜之食焉者衆與細大之義吾未能得其中其與
丞相列侯吏二千石博士議之有可以佐百姓者率意
遠思無有所隱

遺詔

漢文帝

朕聞之蓋天下萬物之萌生靡有不死死者天地之理
物之自然奚可甚哀當今之世咸嘉生而惡死厚葬以
破業重服以傷生吾甚不取且朕既不德無以佐百姓
今崩又使重服久臨以罹寒暑之數哀人父子傷長老
之志損其飲食絕鬼神之神祀以重吾不德謂天下何
朕獲保宗廟以眇眇之身託于天下君王之上二十有
餘年矣賴天之靈社稷之福海內安寧靡有兵革朕既
不敏常畏過行以羞先帝之遺德惟年之久長懼于不
終今乃幸以天年得復供養于高廟朕之不明與其奚
哀念之有其令天下吏民令到出臨三日皆釋服無禁
取婦嫁女祠祀飲酒食肉者自當給喪事服臨者皆無
踐經帶無過三寸毋布車及兵器毋發人男女哭臨宮
殿宮殿中當臨者皆以旦夕各十五舉聲禮畢罷非日
夕臨時禁毋得壇哭臨已下服大紅十五日小紅十四
日織七日釋服他不在令者皆以此令比率從事布告
天下使明知朕意霸陵山川如其故毋有所改

立孝文廟樂舞詔

漢景帝

蓋聞古者祖有功而宗有德制禮樂各有田歌者所以發德也舞者所以明功也高廟酎奏武德文始五行之舞孝惠廟酎奏文始五行之舞孝文皇帝臨天下通關梁不異遠方除誑謗去肉刑賞賜長老收恤孤獨以遂羣生減者欲不受獻罪人不帑不誅亡罪不私其利也除宮刑出美人重絕人之世也朕既不敏弗能勝識此皆上世之所不及而孝文皇帝親行之德厚侔天地利澤施四海靡不獲福明象乎日月而廟為昭德之舞以明休德然后祖宗之功施德施乎萬世永永無窮朕甚嘉之其與丞相列侯中二千石禮官具禮儀奏

頒繫老幼等詔

漢景帝

高年老長人所尊敬也鰥寡不屬逮者入所哀憐也其著今年八十以上八歲以下及孕者未乳師朱儒當鞠繫者頒繫之

讞獄詔

漢景帝

獄重事也人有智愚官有上下獄疑者讞有司有司所不能決移廷尉有令讞而後不當讞者不為失欲令治獄者務先寬

令二千石修職詔

漢景帝

雕文刻鏤傷農事者也錦繡纂組害女工者也農事傷則饑之本也女工害則寒之源也夫饑寒並至而能亡為非者寡矣朕親耕后親桑以奉宗廟粢盛祭服為天下先不受獻減太官省繇賦欲天下務農蠶素有畜積

以備災害疆井攘弱衆毋暴寡老者以壽終幼孤得遂
長今歲或不登民食頗寡其咎安在或許偽爲吏吏以
貨賂爲市漁奪百姓侵牟萬民縣丞長吏也奸法與盜
盜甚無謂也其令二千石各修其職不事官職耗亂者
丞相以聞請其罪布告天下使明知朕意

禁采黃金珠玉詔

漢景帝

農天下之本也黃金珠玉饑不可食寒不可衣以爲幣
用不識其終始間歲或不登意爲末者衆農民寡也其
令郡國務勸農桑益種樹可得衣食物吏發民若取庸
采黃金珠王者坐贓爲盜二千石聽者與同罪

復高年子孫詔

漢武帝

古之立教鄉里以齒朝廷以爵扶世導民莫善於德然
則於鄉里先耆艾者古之道也今天下孝子順孫
願自竭盡以承其親外迫公事內乏資財是以孝心闕
焉朕甚哀之民年九十以上已有受鬻法爲復子若孫
令得身帥妻妾遂其供養之事

議不舉孝廉者罪詔

漢武帝

公卿大夫所使總方略一統類廣教化美風俗也夫本
仁祖義褒德祿賢勸善刑暴五帝三王所繇昌也朕夙
興夜寐嘉與宇內之士臻於斯路故旅耆老復孝敬選
豪俊講文學精參政事祈進民心深詔執事興廉舉孝
庶幾成風紹休聖緒夫十室之邑必有忠信三人並行
厥有我師今或至闔郡而不薦一人是化不下究而積
行之君子壅於上聞也二千石官長紀綱人倫將何以

佐朕燭幽隱勸元元厲蒸庶崇鄉黨之訓哉且進賢受
上賞蔽賢蒙顯戮古之道也其與中二千石禮官博士
議不舉孝廉者罪

造太初曆詔

漢武帝

乃者有司言星度之未定也廣延官問以理星度未能
信也蓋聞昔者黃帝合而不死名察度驗定清濁起五
節建氣物分數然蓋尚矣書缺樂弛朕甚閔焉朕唯未
能循明也紬績日分率應水德之勝今日順夏至黃鍾
爲宮林鐘爲徵太簇爲商南呂爲羽姑洗爲角自是以
後氣復正羽聲復清名復正變以至子日當冬至則陰
陽離合之道行焉十一月甲子朔旦冬至已詹其以
七年爲太初元年

令禮官勸學詔

漢武帝

蓋聞導民以禮風之以樂今禮壞樂崩朕甚閔焉故詳
延天下方聞之士咸薦諸朝其令禮官勸學講議洽聞
舉遺興禮以爲天下先太常其議予博士弟子崇鄉黨
之化以厲賢材焉

止田輪臺詔

漢武帝

前有司奏欲益民賦三十助邊用是重困老弱孤寡也
而今又請遣卒田輪臺輪臺西於車師千餘里前開陵
侯擊車師時危須尉犁樓闐六國子弟在京師者皆先
歸發畜食迎漢軍又自發兵凡數萬人王各自將共圍
車師降其王諸國兵便罷力不能復至道上食漢軍漢
軍破城食至多然士自載不足以竟師強者盡食畜產

羸者道死數千人朕發酒泉驢橐駝負食出玉門迎軍
吏卒起張掖不甚遠然尚廝留甚衆曩者朕之不圖以
軍候弘上書言匈奴縛馬前後足置城下馳言秦人我
匈若馬又漢使者久留不還故興師遣貳師將軍欲以
爲使者威重也古者卿大夫與謀參以蓍龜不吉不行
乃者以縛馬書徧視丞相御史二千石諸大夫郎爲文
學者乃至郡屬國都尉成忠趙破奴等皆以虜自縛其
馬不祥甚哉或以爲欲以見疆夫不足者視人有餘易
之卦得大過爻在九五匈奴困敗公車方士太史治星
望氣及大小龜蓍皆以爲吉匈奴必破時不可再得也
又曰北伐行將於蒲山必克卦諸將貳師最吉故朕親
發貳師下蒲山詔之必毋深入今計謀卦兆皆反繆重
合候得虜候者言聞漢軍當來匈奴使巫埋牛牛所出
諸道及水上以詛軍單于遺天子馬裘常使巫祝之縛
馬者詛軍事也又卜漢軍一將不吉匈奴嘗言漢極大
然不能饑渴失一狼走千羊乃者貳師敗軍士死離散
悲痛常在朕心今請遠田輪臺欲起亭隧是擾勞天下
非所以優民也今朕不忍聞大鴻臚等又議欲募囚徒
送匈奴使者明封侯之賞以報忿五伯所弗能爲也且
匈奴得漢降者常提掖搜索問以所聞今邊塞未正關
出不禁障候長吏使卒獵獸以皮肉爲利卒苦而烽火
之失亦上集不得後降者來若捕生口虜乃知之當今
務在禁苛暴止擅賦力本農修馬復令補以闕毋之武
備而已郡國二千石各上進畜馬方畧補邊狀與計對

舉賢良文學詔

漢昭帝

朕以眇身獲保宗廟戰戰栗栗夙興夜寐修古帝王之事通保傳傳孝經論語尚書未云有明其令三輔太常舉賢良各二人郡國文學高第各一人

廣文選卷第三十一

江都葛潤校

廣文選卷第三十二

明通議大夫都察院右副都御史大庾劉節廣

壘書

答鼂錯壘書

漢文帝

皇帝問太子家令曰言一體三章聞之書言狂夫之言而明主擇焉今則不然言者不狂而擇者不明國之大患故在於此使夫不明而擇於不狂是以萬聽而萬不當也

賜吾丘壽王壘書

漢武帝

子在朕前之時智畧輻湊以為天下少雙海內寡二及至連十餘城之守任四千石之重職事並廢盜賊縱橫甚不稱在前時何也

賜燕王旦璽書

漢昭帝

昔高皇帝王天下建立子弟以藩屏社稷先日諸呂陰謀大逆劉氏不絕若髮頰侯等誅討賊亂尊立孝文以安宗廟非以中外有人表裏相應故邪樊鄴曹灌攜劍摧鋒從高皇帝戮裔除害耘鉏海內當此之時頭如蓬葆勤苦至矣然其賞不過封侯今宗室子孫曾無暴衣露冠之勞裂地而王之分財而賜之父死子繼兄終弟及今王骨肉至親敵吾一體廼與他姓異族謀害社稷親其所疏疏其所親有逆悖之心無忠愛之義如使古人有知當何面目復奉齋酎見高祖之廟乎

賜馮奉世璽書

漢元帝

皇帝問將兵右將軍甚苦暴露羌虜侵邊境殺吏民其壞敗甚者勿收租賦大赦天下

子首匿父母等勿坐詔

漢宣帝

父子之親夫婦之道天性也雖有患禍猶蒙死而存之誠愛結於心仁厚之至也豈能違之哉自今子首匿父母妻匿夫孫匿大父母皆勿坐其父母匿子夫匿妻大父母匿孫罪殊死皆上請廷尉以聞

令郡國舉孝弟等詔

漢宣帝

朕既不逮導民不剛反側晨興念慮萬方不忘元元唯恐羞先帝聖德故並舉賢良方正以親萬姓歷載臻茲然而俗化闕焉傳曰孝弟也者其為人之本與其令郡國舉孝弟有行義聞於鄉里者各一人令八十以上非誣告等勿坐詔

漢宣帝

朕惟耆老之人髮落墮落血氣衰微亦亡暴虐之心今
或罹文法拘執囹圄不終天命朕甚憐之自今以來諸
年八十以上非誣告殺傷人他皆勿坐遣太中大夫彊
等十二人循行天下存問鰥寡覽觀風俗察吏治得失
舉茂材異倫之士

親奉祀詔

漢宣帝

蓋聞天子尊事天地修祀山川古今通禮也間者上帝
之祠闕而不親十有餘年朕甚懼焉朕親飭躬齋戒親
奉祀為百姓蒙嘉氣獲豐年焉

褒黃霸詔

漢宣帝

潁川太守霸宣布詔令百姓鄉化孝子弟貞婦順孫
日以眾多田者讓畔道不拾遺養視鰥寡贍助貧窮獄
或八年亡重罪囚吏民鄉於教化興于行誼可謂
君子矣書不云乎股肱良哉其賜關內侯黃金百斤
中二千石潁川孝弟有行義民三老力田皆以差賜
及帛

議律令詔

漢宣帝

夫法令者所以抑暴扶弱欲其難犯而易避也今律令
煩多而不約目典文者不能分明而欲羅元元之逮斯
豈刑中之意哉其議律令可蠲除輕減者條奏惟在便
安萬姓而已

罷珠厓詔

漢元帝

珠厓虜殺吏民背畔為逆今廷議者或言可擊或言可
守或欲棄之其指各殊朕日夜惟思議者之言羞感不

行則欲誅之狐疑辟難則守也田通于時變則憂萬民夫萬民之饑餓與遠蠻之不討危孰大焉且宗廟之祭凶年不備况乎辟不嫌之乎哉今關東大困倉庫空虛無以相贍又以動兵非特勞民凶年隨之其罷珠崖郡民有慕義內屬便處之不欲勿彊

罷甘泉建章宮衛等詔

漢元帝

蓋聞安民之道本繇陰陽間者陰陽錯繆風雨不時朕之不德庶幾羣公有敢言朕之過者今則不然媮合苟從未肯極言朕甚閔焉永惟丞庶之饑寒遠離父母妻子勞於非業之作衛於不居之宮恐非所以佐陰陽之道也其罷甘泉建章宮衛令就農百官各省費條入有所諱有司勉之毋犯四時之禁丞相御史大夫御史中丞陰陽災異者各二人

議罷郡國廟詔

漢元帝

蓋聞明王之御世也遵時為法因事制宜往者天下初定遠方未賓因嘗所親以立宗廟蓋建威銷萌一民之主權也今賴天地之靈宗廟之福四方同軌蠻貊首職久尊而不定令疏遠卑賤共奉尊號非皇天祖宗之意朕甚懼焉得不云乎吾不與祭如不祭其與將軍列侯中二千石諸大夫博士議郎議

議廟禮詔

漢元帝

蓋聞王者祖有功而宗有德尊尊之大義也存親廟四親親之至恩也高皇帝為天下誅暴除亂受命而帝功莫大焉孝哀皇帝國為仁王諸呂作亂海內搖動然羣

臣黎庶靡不一意北面歸心猶謙辭固讓而後即位削
亂秦之迹興三代之風是以百姓晏然咸獲嘉福德莫
盛焉高皇帝為漢太祖孝文皇帝為太宗世世承祀傳
之無窮朕其樂之孝宣皇帝為孝昭皇帝後於義一體
孝景皇帝廟及皇考廟皆親盡其正禮儀

日食求直言詔

漢元帝

蓋明王在上忠賢布職則羣生和樂方外蒙澤今朕
掩于大道夙夜憂勞不通其理靡瞻不眩靡德不惑是
以政令多還民心未得邪說空進事亡成功此天下所
著聞也公卿大夫好惡不同或緣姦作邪侵削細民元
元安所歸命哉乃心月晦日有食之詩不云乎今此下
民亦孔之哀自今以來公卿大夫其勉思天戒慎身修
恭以懌朕之不逮直言盡意無有所諱

減死刑詔

漢成帝

甫刑云五刑之屬三千大辟之罰其屬二百今大辟之
刑十有餘條律令煩多百餘萬言竒請他比日以益滋
自明習者不知所由欲以曉諭衆庶不亦難乎於以羅
元元之民天絕無辜豈不哀哉其令中二千石二千石
博士及明習律令議減死刑及可蠲除約省者令較然
易知條奏書不云乎惟刑之恤哉其審挾之務準古法
朕將盡心覽焉

罷昌陵詔

漢成帝

朕執德不固謀不盡下過聽將作大匠萬年言昌陵三
年可成作治五年中陵司馬殿門內尚未加功天下虛

耗百姓罷勞客上疏惡終不可成朕惟其難怛然傷心夫過而不改是謂過矣其罪昌陵及故陵勿徙吏民令天下毋有動搖之心

立太子詔

漢成帝

朕承太祖鴻業奉宗廟二十五年德不能綏理宇內百姓怨恨者衆不蒙天祐至今未有繼嗣天下無所係心觀于往古近事之戒禍亂之萌皆由斯焉定陶王欣於朕為子慈仁孝順可以承天序繼祭祀其立欣為皇太子封中山王舅諫大夫馮參為宜鄉侯益中山國三萬戶以慰其意賜諸侯王列侯金天下當為父後者爵三老孝弟力田帛各有差

封卓茂詔

漢光武

前密令卓茂東身自修執節淳固誠能為人所不能為夫名冠天下當受天下重賞故武王誅紂封比干之墓表商容之間今以茂為太傅封褒德侯

日食詔

漢光武

吾德薄不剛寇賊為害疆弱相陵元元失所詩云日月吉凶不用其行未念厥咎內疚於心其勅公卿舉賢良公正各一人百僚並上封事無有隱諱有司修職務遵法度

令太官勿受異味詔

漢光武

往年已勅郡國異味不得有所獻御今猶未止非徒有豫養導擇之勞至乃煩擾道上疲費過所其令太官勿復受鬻勅下以遠方口實所以薦宗廟自如舊制

地震詔

漢光武

日者地震南陽尤甚夫地者任物至重靜而不動者也而今震裂咎在君上鬼神不順無德災殃將及吏民朕甚懼焉其令南陽勿輸今年田租芻稿遺謁者案行其死罪繫囚在戊辰以前減死罪一等徒皆弛解鉗衣絲絮賜郡中居民壓死者棺錢人三千其口賦逋稅而廬宅尤破壞者勿收青吏民死亡或在壞垣毀屋之下而家羸弱不能收拾者其以見錢穀取傭為尋求之

作壽陵詔

漢光武

古者帝王之葬皆陶人瓦器木車茅馬使後世之人不知其處太宗識終始之義景帝能述遵孝道遭天下反覆而霸陵獨完受其福豈不美哉今所制地不過二三頃無為山陵陂池裁令流水而已

賜周黨帛詔

漢光武

詔曰自古明王聖主必有不賓之士伯夷叔齊不食周粟太原周黨不受朕祿亦各有志焉其賜帛四十匹

行養老禮詔

漢明帝

光武皇帝建三朝之禮而未及臨饗眇眇小子屬當聖業間暮春吉辰初行大射令月元日復踐辟雍尊事三老兄事五更安車軟輪供綏執授侯王設醬公卿饌珍朕親袒割執爵而酌祝哽在前祝噎在後升歌鹿鳴下管新宮八佾具修萬舞於庭朕固薄德何以克當易陳負乘詩刺彼已永念慙疚無忘厥心三老李躬年耆學明五更桓榮授朕尚書詩曰無德不報無言不疇其賜

榮爵關內侯食邑五千戶三老五更皆以二千石祿養
終厥身其賜天下三老酒人一石肉四十斤有司其存
者耄恤幼孤惠鰥寡稱朕意焉

有司順時勸農詔

漢明帝

朕奉郊祀登靈臺見史官正儀度夫春者歲之始也始
得其正則三時有成比者水旱不節邊人食寡政失於
上人受其咎有司其勉順時氣勸督農桑去其螟蟻以
及蝥賊詳刑慎罰明察單辭夙夜匪懈以稱朕意

引咎詔

漢明帝

朕以無德奉承大業而下貽人怨上動三光日食之變
其災尤大春秋圖讖所為至譴永思厥咎在予一人羣
司勉修職事極言無諱又曰羣僚所言皆朕之過人寃
不能理吏黠不能禁而輕用人力繕修宮宇出入無節
喜怒過差昔應門失守關雎刺世飛蓬隨風微子所歎
天覽前戒竦然兢懼徒恐薄德久而致怠耳

尊師傅詔

漢章帝

朕以眇身託于王侯之上統理萬機懼失厥中兢兢業
業未知所濟深惟守文之主必建師傅之官詩不云乎
不愆不忘率由舊章行太尉事節鄉侯熹二世在位為
國元老司空融典職六年勤勞不怠其以熹為太傅融
為太尉並錄尚書事三事大夫莫肯夙夜小雅之所傷
也予違汝弼汝無而從股肱之正義也羣後百僚勉思
厥職各貢忠誠以輔不逮申勅四方稱朕意焉

講議五經同異詔

漢章帝

蓋三代導人教學為本漢承暴秦褒顯儒術建立五經為置博士其後學者精進雖曰承師亦別名家孝宣皇帝以為去聖久遠學不厭博故遂立大小夏侯尚書後又立京氏易至建武中復置顏氏嚴氏春秋大小戴禮博士此皆所以扶進微學尊廣道藝也中元元年詔書五經章句頗多議欲減省至永平元年長水校尉儵奏言先帝大業當以時施行欲使諸儒共正經義頗令學者得以自助孔子曰學之不講是吾憂也又曰博學而篤志切問而近思仁在其中矣於戲其勉之哉

地震詔

漢章帝

朕以無德奉承大業夙夜慄慄不敢荒寧而災異仍見與政相應朕既不明法道日寡又選舉乖實俗吏傷人官職耗亂刑罰不中可不憂與昔仲弓季氏之家臣子游武城之小宰孔子猶誨以賢才問以得人明政無大小以得人為本夫鄉舉里選必累功勞今刺史守相不明真偽謂不孝廉歲以百數既非能顯而當授之政事甚無謂也每尋前世舉人貢士或起剛畝不繫閭閻敷奏以言則文章可採明試以功則政有異迹文質彬彬朕甚嘉之其令太傅三公中二千石二千石郡國守相舉賢良方正能直言極諫之士各一人

選高才生受學詔

漢章帝

五經剖判去聖彌遠章句遺辭乖疑難正恐先師微言將遂廢絕非所以重稽古求道真也其令羣儒選高才生受學左氏穀梁春秋古文尚書毛詩以扶微學廣異

義焉

蠲除禁錮詔

漢章帝

言大獄所及廣遠一人犯罪禁至三屬莫得垂纓仕宦
王朝如有賢才而沒齒無用朕甚憐之非所謂與之更
始也諸以前妖惡禁錮者一皆蠲除之以明棄咎之路
但不得在宿衛而已

告諭伐魏詔

漢後主

朕聞天地之道福仁而禍淫善積者昌惡積者喪古今
常數也是以湯武脩德而王桀紂極暴而亡曩者漢祚
中微綱漏凶慝董卓造難震蕩京畿曹操階禍竊執天
駕殘剝海內懷無君之心子丕孤豎敢尋亂階盜據神

器更姓改物世濟其凶當此之時皇極幽昧天下無主
則我帝命隕越于下昭烈皇帝體明叡之德光演文武
應乾坤之運出身平難經營四方人鬼同謀百姓與能
非民欣戴奉順符讖建位易號丕承天序補弊興衰存
復祖業膺誕皇綱不墜于地萬國未靖早世遐殂朕以
幼冲繼統鴻基未習保傅之訓而嬰祖宗之重六合壅
否社稷不建求惟所以念在匡救光載前緒未有攸濟
朕甚懼焉是以夙興夜寐不敢自逸每崇菲薄以益國
用勸分稼穡以阜民財授才任能以察其聽斷思降意
以養將士欲奮劍長驅指討凶逆朱旗未舉而不復隕
喪斯所謂不燃我薪而自焚也殘類餘醜又支天禍恣
睢河洛阻兵未弭諸葛丞相弘毅忠壯忘身憂國先帝

託以天下以勛朕躬今授之以旄鉞之重付之以專命之權統領步騎二十萬衆董督元戎龍行天罰除患寧亂克復舊都在此行也昔項籍恣一疆衆跨州兼土所務者大然卒敗垓下死於東城宗族如焚爲笑千載皆不以義陵上虐下故也今賊傲尤天人所怨奉時宜速庶馮炎精祖宗威靈相助之福所向未克吳王孫權同恤災患潛軍合謀犄角其後涼州諸國王各遣月支康居胡侯支富康植等二十餘人詣受節度大軍北出使欲率將兵馬奮戈先驅天命既集人事又至師占勢并必無敵矣夫王者之兵有征無戰尊而且義莫敢抗也故鳴條之役軍不血刃牧野之師商人倒戈今於靡首路其所經至亦不欲窮兵極武有能棄邪從正單食壘漿以迎王師者國有常典封寵大小各有品及魏之宗族支葉中外有能規利害審逆順之數來詣降者皆原除之昔輔果絕親於智氏而蒙全宗之福微子去殷項伯歸漢皆受茅土之慶此前世之明驗也若其迷沈不反將助亂人不式王命戮及妻孥罔有攸赦廣宣恩威貸其元帥弔其殘民他如詔書律令丞相其露布天下使稱朕意焉

廣文選卷第三十二

江都葛澗校

符瑞應寶鼎出白麟獲功德茂盛不能盡宣而廟樂未
稱其議奏

有喪者勿繇事詔

漢宣帝

道民以孝則天下順今百姓或遭衰經凶災而吏繇事
使不得葬傷孝子之心朕甚憐之自今諸有大父母父
母喪者勿繇事使得收斂送終盡其子道

地震詔

漢宣帝

蓋災異者天地之戒也朕承洪業奉宗廟託于士民之
上未能和羣生乃者地震北海琅邪壞祖宗廟朕甚懼
焉丞相御史其與列侯中二千石博問經學之士有以
應變輔朕之不逮毋有所諱令三輔太常內郡國舉賢
良方正各一人律令有可蠲除以安百姓條奏被地震

逆天道故遣將軍帥士大夫行天誅以將軍材質之美
奮精兵誅不軌百下百全之道也今乃有畔敵之名大
為中國羞以昔不閑習之故邪以恩厚未洽信約不明
也朕甚恠之上書言羌虜依深山多徑道不得不多分
部遮要害須得後發營士足以決事部署已定執不可
復置大將聞之前為將軍兵少不足自守故發近所騎
日夜詣非為擊也今發三輔河東弘農越騎迹射飲飛
者羽林孤兒及呼速索等種方急遣且兵凶器也必
有成敗者患策不豫定料敵不審也故復遣奮武將軍
兵法曰大將軍出必有偏裨所以揚威武參計策將軍
又何疑焉夫愛吏士得衆心舉而無悔禽敵必全將軍
之職也若罷轉輸之費則有司存將軍勿憂須奮武將

軍兵到合擊羌虜

賜淮陽王欽璽書

漢元帝

皇帝問淮陽王有司奏王舅張博數遺王書非毀政治
謗訕天子褒舉諸侯稱引周湯以調惑王所言尤惡悖
逆無道王不舉奏而多與金錢報以好言罪至不赦朕
惻焉不忍聞為王傷之推厥厥本不祥自博惟王之心
匪同于凶已詔有司勿治王事遣諫大夫駁申諭朕意
詩不云乎靖恭爾位正直是與王其勉之

賜寶融璽書

漢光武

制詔行河西五郡大將軍事屬國都尉勞鎮守邊五郡
兵馬精彊倉庫有蓄民庶殷富外則折挫羌胡內則百
姓蒙福威德流聞虛心相望道路隔塞邑邑何已長史
所奉書獻馬悉至深知厚意今益州有公孫子陽天水
有隗將軍方蜀漢相攻權在將軍舉足左右便有輕重
以此言之欲相厚豈有量哉諸事具長史所見將軍所
知王者迭興千載一會欲遂立桓文輔微國當勉卒功
業欲三分鼎足連衡合從亦宜以時定天下未并吾與
爾絕域非相吞之國今之議者必有任囂效尉佗制七
郡之計王者有分土無分民自適已事而已今以黃金
二百斤賜將軍便宜輒言

賜書

賜南粵王佗書

漢文帝

皇帝謹問南粵王甚苦心勞思朕高皇帝側室之子弃
外奉北藩于代道里遼遠壅蔽樸愚未嘗致書高皇帝

周文通卷三十三
三十一
弃羣臣孝惠皇帝即世高后自臨事不幸有疾日進不
衰以故詩暴乎治諸呂為變故亂法不能獨制廼取他
姓子為孝惠皇帝嗣賴宗廟之靈功臣之力誅之已畢
朕以王侯吏不釋之故不得不立今即位乃者聞王遺
將軍隆虜侯書求親昆弟請罷長沙兩將軍朕以王書
罷將軍博陽侯親昆弟在真定者已遣人存問修治先
人冢前日聞王發兵於邊為寇災不止當其時長沙苦
之南郡尤甚雖王之國庸獨利乎必多殺士卒傷良將
吏寡人之妻孤人之子獨人父母得一亡十朕不忍為
也朕欲定地犬牙相入者以問吏吏曰高皇帝所以介
長沙土也朕不得擅變焉吏曰得王之財不足以為大
得王之財不足以為富服領以南王自治之雖然王之
號為帝兩帝並立亡一乘之使以通其道是爭也爭而
不讓仁者不為也願與王分弃前患終今以來通使如
故使賈馳諭告王朕意王亦受之母為寇災矣上褚五
十衣中褚三十衣下褚二十衣遺王願王聽樂娛憂存

同鄰國

遺匈奴書

漢文帝

皇帝敬問匈奴大單于無恙使係虜淺遺朕書云願寢
兵休士除前事復故約以安邊民世世平樂朕甚嘉之
此古聖王之志也漢與匈奴約為兄弟所以遺單于甚
厚背約離兄弟之親者豈在匈奴然右賢王事已在赦
前勿深誅單于若稱書音明告諸吏使無負約有信敬
如單于書使者言單于自將并國有功甚苦兵事服續

袷綺衣長襦錦袍各一比時一黃金飭具帶一黃金犀
毗一繡十匹錦二十匹赤繡綠繒各四十匹使中大夫
意謁者令肩遺單于

皇帝敬問匈奴大單于無恙使當戶且渠雕渠難郎中
韓遼遺朕馬二匹已至敬受无帝制長城以北引弓之
國受令單于長城以內冠帶一室朕亦制之使萬民耕
織射獵衣食父子毋離臣主和安俱無暴虐今聞渠惡
民貪降其趨背我絕約忘萬民之命離兩主之歡然其
事已在前矣書云二國已和親兩主驩說寢兵休卒養
馬世世昌樂翕然更始朕甚喜加之聖德日新改作更始
使老者得息幼者得長各保其首領而終其天年朕與
單于俱由此道順天恤民世世相傳施之無窮天下莫
不咸嘉使漢與匈奴鄰敵之國匈奴處北地寒殺氣早
降故詔吏遺單于林檎金帛綿絮他物歲有數今天下
大安萬民熙熙獨朕與單于為之父母朕追念前事薄
物細故謀臣計失皆不足以離昆弟之驩朕聞天不頗
覆地不偏載朕與單于皆捐細故俱蹈大道也隋壞前
惡以圖長久使兩國之民若一家子元元萬民下及魚
鼈上及飛鳥跂行喙息蠕動之類莫不就安利避危殆
故來者不止天之道也俱去前事朕釋逃虜民單于毋
言章尼等朕聞古之帝王約分明而不食言單于留志
天下大安和親之後漢過不先單于其察之

賜嚴助書

漢武帝

制詔會稽太守君厭承明之廬勞侍從之事懷故土出

為郡吏會稽東接於海南近諸越北枕大江間者閩焉
久不聞問具以春秋對毋以蘇秦縱橫

賜趙克國書

漢宣帝

皇帝問後將軍甚苦暴露將軍計欲至正月廼擊罕羌
羌人當獲麥已遠其妻子精兵萬人欲為酒泉燉煌寇
邊少兵民守保不得田作今張掖以東粟石百餘芻橐
束數千轉輸並起百姓煩擾將軍將萬餘之衆不早反
秋共水草之利爭其畜食欲至冬虜皆當畜食多臧匿
山中依險阻將軍士寒手足皸痲寧有利哉將軍不念
中國之費欲以歲數而勝微將軍誰不樂此者今詔破
羌將軍武賢將兵六千一百人燉煌太守快將二千人
長水校尉當昌酒泉侯奉世將媯月氏兵四千人無慮
萬二千人齎三十日食以七月二十二日擊罕羌入鮮
水北句廉上去酒泉八百里去將軍可千二百里將軍
其引兵便道西並進雖不相及使虜騷東方北方兵並
來分散其心意離其營壘雖不能殄滅當有瓦解者已
詔中郎將卬將胡越伏飛射士步兵二校尉益將軍兵
今五星出東方中國大利蠻夷大敗太白出高用兵深
入敢戰者吉弗敢戰者凶將軍急裝因天時誅不義萬
下必全勿復有疑

制詔後將軍聞苦腳脛寒泄將軍年老加疾一朝之變
不可諱朕甚憂之今詔破羌將軍詣屯所為將軍副急
因天時地利吏士銳氣以十二月擊先零羌即疾劇留
屯毋行獨遣破羌彊弩將軍

皇帝問後將軍言欲罷騎兵萬人留田即如將軍之計
虜當何時伏誅兵當何時得決孰計其便復奏
皇帝問後將軍言十二使聞之虜雖未伏誅兵決可期
月而望期月而望者謂今冬邪謂何時也將軍獨不計
虜聞兵頗罷且丁壯相聚攻擾田者及道上屯兵復殺
略人民將何以止之又大开小弄前言曰我告漢軍先
擊我其意常恐今兵不出得亡變生與先零為一將軍
孰計復奏

皇帝問後將軍上書言羌虜可勝之道今聽將軍將軍
計善其上留屯田及當罷者人馬數將軍彊食慎兵事
自愛

冊上廣

晉公允錫文

朕以寡德獲承天序嗣我祖宗之洪烈遭家多難不嗣
于訓曩者奸逆屢興方寇內侮大懼淪喪四海以墮三
祖之弘業惟公經德履哲嗣允廣深迪宣武文世作保
傳以輔又皇家櫛風沐雨周旋征伐劬勞王室二十有
餘載毗翼前人仍斷大政克厭不端維安社稷暨儉欽
之亂公綏援有衆分命興師統紀有方用緝寧淮浦其
後巴蜀屢侵西土不靖公竒畫指授制勝千里是以段
谷之戰乘釁大捷斬將塞旗效首萬計孫峻猾夏致寇
徐方戎車首路威靈先邁黃鉞未啓鯨鯢窟迹孫壹構
隙自相疑阻幽鑿遠照竒策洞微遠人歸命作藩南夏

爰授銳卒畢力戎行暨諸葛誕滔天作逆稱兵揚楚欽
咨逋罪同惡相濟帥其虜賊以入壽春憑阻淮山敢距
王命公躬擐甲胄龔行天罰玄謀廟筭遵養時晦竒兵
震擊而朱異摧破神變應機而全琮稽服取亂攻昧而
高塘不守兼九伐之弘畧究五兵之正度用能戰不窮
武而大敵殲潰旗不再麾而元敦授首收勅吳之雋臣
係王命之逋虜交臂屈膝委命下吏俘馘十萬積尸成
京雪宗廟之滯耻拯兆庶之艱難掃平區域信威吳會
遂戢干戈靖我疆土天地鬼神罔不獲乂乃者王室之
難變起蕭牆賴公之靈弘濟艱險宗廟危而獲安社稷
墜而復寧忠格皇天功濟六合是用疇咨古訓稽諸典
籍命公崇位相國加于群后啓土參墟封以晉域所以
方軌齊魯踰屏帝室而公遠蹈謙損深履冲讓固辭策
命至于八九朕重違讓德抑禮虧制以彰公志于今四
載上闕在昔建侯之典下違兆庶具瞻之望惟公嚴度
王度闡濟大猷敦尚純樸省繇節用務穡勸分九野康
乂老叟荷崇養之德鰥寡蒙矜卹之施仁風興於中夏
流澤布於遐荒是以東夷西戎南蠻北狄狂狡貪悍世
爲寇讐者皆感義懷惠款塞內附或委命納貢或求置
官司九服之外絕域之氓曠世所希至者咸浮海來享
鼓舞王德前後至者八百七十餘萬口海隅幽裔無思
不服雖西旅遠貢越裳九譯義無以踰維翼朕躬下匡
萬國思靖殊方寧濟八極以庸蜀未賓蠻荆作猾潛謀
獨斷整軍經武簡練將帥授以成策始踐賊境應時摧

陷狂狡奔北首尾震潰禽其戎帥屠其城邑巴漢震疊
江源雲徹地平天成誠在斯舉公有濟六合之勲加以
茂德實揔百揆允釐庶政敦五品以崇仁恢六典以敷
訓而靖恭夙夜勞謙昧旦雖尚父之左右文武周公之
勤勞王家罔以加焉昔先王選建明德光啓諸侯體國
經野方制五等所以藩翼王畿垂祚百世也故齊魯之
封於周爲弘山川土田邦畿七百官司典策制殊羣后
惠襄之難桓文以翼戴之勞猶受錫命之禮咸用光疇
大德作範于後惟公功邁於前烈而賞闕於舊式百辟
於邑人神同恨焉豈可以公謙冲而久淹弘典哉今以
并州之太原上黨西河樂平新興鴈門司州之河東平
陽弘農雍州之馮靖凡十郡南至於華北至于涇東至
于壺口西踰于河提封之數方七百里皆晉之故壤唐
叔受之世作盟主實紀綱諸夏用率舊職爰昨茲土封
公爲晉公命使持節兼司徒司隸校尉陔即授印綬策
書金獸符第一至第五竹使符第一至第十錫茲玄土
苴以白茅建爾國家以永藩魏室昔在周召並以公侯
入作保傅其在近代鄩侯蕭何實以相國光尹漢朝隨
時之制禮亦宜之今進公位爲相國加綠綬綬又加公
九錫其敬聽後命以公思弘大猷崇正典禮儀刑作範
旁訓四方是用錫公大輅戎輅各一玄牡二駟公道和
陰陽敬授人時畜夫反本農殖維豐是用錫公衮冕之
服赤舄副焉公光敷顯德惠下以和敬信思順庶尹允
諧是用錫公軒懸之樂六佾之舞公鎮靖宇宙翼播聲

教海外懷服荒裔款附殊方馳義諸夏順軌是用錫公
朱戶以居公簡賢料材營求俊逸爰升多士宣彼周行
是用錫公納陛以登公嚴恭寅畏底平四國式遏寇虐
苛厲不作是用錫公武賁之士三百人公明慎用刑簡
恤大中章厥天威以糾不虔是用錫公鈇鉞各一公爰
整六軍典司征伐犯命凌正乃維誅極是用錫公彤弓
一彤矢百玃弓十玃矢千公饗祀蒸蒸孝思維則篤誠
之至通于神明是用錫公秬鬯一亩圭瓚副焉晉國置
官司以下率由舊式往欽哉抵服朕命弘敷訓典光澤
庶方永終爾嗣德丕顯余一人之休命

廣文選卷第三十三

江都葛澗校

廣文選卷第三十四

明通議大夫都察院右副都御史大庾劉節廣

冊下

宋公九錫文

朕以寡昧仰贊洪基夷羿乘豐蕩覆王室越在南鄙遷
于九江宗祀絕饗人神無位提挈羣凶奇命江沂則我
祖宗之業奄隳于地七百之祚剪焉既顛若涉淵海固
知攸濟天未絕晉誕育英輔振厥弛維再造區物興亡
繼絕俾昏作明元勳至德朕實賴焉今將授公典策其
敬聽朕命乃者桓玄肆僭滔天泯夏拔本塞源顛倒六
位庶僚俛眉四方莫卹公精貫朝日氣凌霄漢奮其靈
武大殲羣慝剋復皇邑奉帝歆神此公之節始於勤王

者也授律羣后沂流長鶩薄伐岬嶮獻捷南郢大憇折
首羣逆畢夷三光旋采舊物反正此又公之功也出藩
入輔弘茲保弼阜財利用繁殖生民編戶歲滋疆宇日
啓導德剛刑四境有截此又公之功也鮮卑負衆僭盜
三齊狼噬冀青虔劉沂岱介恃遐阻仍爲邊毒公蒐乘
秣駟夔入遠疆衝櫓四臨萬雉俱潰竊號之虜顯戮司
寇拓土三千申威龍漠此又公之功也盧循妖凶伺隙
五嶺乘虛肆逆侵覆江豫於拂囊內矢及王城朝野喪
沮莫有固志家獻徒卜之計國議遷都之規公乘轅南
濟義形于色嶷然內湛視嶮若夷攄略運奇英謨不世
狡寇窮衄喪旗宵遁俾我畿甸拯於將墜此文公之功
也追奔逐北揚旂江濱偏旅浮海指日遄至番禺之功
俘級萬數左里之捷魚潰鳥散元凶遠遯傳首萬里海
南肅清荒服來款此又公之功也劉毅叛換負疊西夏
凌上罔主志肆奸暴附麗協黨扇蕩王畿公御軌以刑
消之不日倉兇電泝神兵風掃罪人斯得荆衡清晏此
又公之功也譙縱怙亂寇竊一隅王化阻闕三巴淪溺
公指命偏師授以良圖凌波浮湍致屈并絡僭豎伏鎖
梁岷革偃此又公之功也馬休魯宗阻兵內侮驅率二
方連旗稱亂公投袂星言研其上略江津之師勢踰風
電迴旆沔川寔繁震懾二叛奔迸荆雍來蘇玄澤浸育
溫風潛被此又公之功也未嘉不競四夷擅華五都幅
裂山陵幽辱祖宗懷沒世之憤遺氓有匪風之思公遠
齊伊宰納隍之仁近同小白滅亡之耻鞠旅陳師赫然

大號分命羣帥北徇司克許鄭風靡輦洛載清偽牧逆
藩交臂請罪百年稜穢一朝掃濟此又公之功也公有
康宇內之勲重之以明德爰初發迹則奇暮冠古電
擊疆妖則鋒無前對聿寧東畿大造黔首若乃草昧經
綸化融於歲計扶危靜亂道固於苞桑辯方正位納之
軌度蠲削煩苛較若畫一淳風美化盈塞宇宙是以絕
域獻琛遐夷納貢王略所宣九服率從雖文命之東漸
西被咎繇之邁于種德何以尚茲朕聞先王之宰世也
厲勲尊賢建侯胙土褒以寵章崇其徽物所以協輔皇
家永隆藩屏故曲阜光啓遂荒徐宅營丘表海四履有
聞其在襄王亦賴匡霸又命晉文備物光錫惟公道
前烈勳高振古而殊典未加朕甚懷惜焉今進授
以徐州之彭城沛蘭陵下邳淮揚山陽廣陵兗州之高
平魯泰山十郡封公為宋公錫茲玄土苴以白茅爰定
爾居用建家社昔晉鄭啓藩入作卿士周召保傳出摠
二南內外之重公實兼之命使持節太尉尚書左僕射
晉寧縣五等男湛授相國印綬宋公璽紱使持節兼司
空散騎常侍尚書陽遂鄉侯恭授宋公茅土金虎符第
一至第十左竹使符第一至第十左相國位無不摠禮
絕朝班居常之名宜與事革其相國摠百揆去錄尚書
之號上送所假節侍中中外都督太傅太尉印綬豫章
公印策進揚州牧領征西將軍司豫北徐雍四州刺史
如故公紀綱禮度萬國是式乘介蹈方罔有遷志是以
錫公大輅戎輅各一玄牡二駟公抑末敦本務農重積

采繁寔殷稼穡惟阜是用錫公衮冕之服赤舄副焉公
閉邪納正移風改俗陶鈞品物如樂之和是用錫公軒
縣之樂六佾之舞公宣美王化導蕩伏風華夷企踵遠
人胥萃是用錫公朱戶以居公官方任能網羅幽滯九
臯辭野髦士盈朝是用錫公納陛以登公當軸處中率
下以義式遏寇讎清除苛慝是用錫公虎賁之士三百
人公明罰恤刑庶獄詳允放命干紀罔有攸縱是用錫
公鈇鉞各一公龍驤鳳矯咫尺八紘括囊四海折衝無
外是用錫公彤弓一彤矢百盧弓十盧矢千公溫恭孝
思致虔裡祀忠肅之志儀刑萬方是用錫公秬鬯一卣
圭瓚副焉宋國置丞相以下一遵舊儀欽哉其祗服往
命茂對天休簡恤庶邦敬敷顯德以終我高祖之嘉命

策廣

封齊王策

漢武帝

惟元狩六年四月乙巳皇帝使御史大夫湯廟立子闕
為齊王嗚呼小子閔受茲青社朕承天序惟稽古建爾
國家封于東土世為漢藩嗚呼念哉共朕之詔惟命
不干常人之好德克剛顯光義之不圖俾君子怠悉爾
心允執其中天祿末終厥愆不滅迺凶于迺國害于爾
躬嗚呼保國又民可不敬與王其戒之

封燕王策

漢武帝

嗚呼小子旦受茲玄社建爾國家封于北土世為漢藩
輔嗚呼薰鬻氏虐老獸心以姦巧邊眈朕命將率徂征
厥罪萬夫長千夫長三十有二帥降旗奔師薰鬻徙域

北州以妥悉爾心母作慈母作棊德母乃廢備非教士
不得從徵王其戒之

封廣陵王策

漢武帝

嗚呼小子胥受茲赤社建爾國家封于南土世世為漢
藩輔古人有言曰大江之南五湖之間其人輕心揚州
保疆三代要服不及以正嗚呼悉爾心祗祗兢兢廼惠
廼順母桐好逸母邇宵人惟法惟則書云臣不作福不
作威靡有後羞王其戒之

賜韓福策

漢昭帝

朕閔勞以官職之事其務修孝弟以教鄉里今郡縣常
以正月賜羊酒其不幸者賜衣被一襲祠以中牢

賜史丹策

漢成帝

左將軍寢病不衰願歸治疾朕愍以官職之事久留將
軍使躬不瘳使光祿勳賜將軍黃金五十斤安車駟馬
其上將軍印綬宜專精神務近醫藥以輔不衰

賜鄧禹為太司徒策

漢光武

制詔前將軍鄧禹深執忠孝與朕謀謨帷幄決勝千里
孔子曰自吾有門人日親斬將破軍平定山西功效
尤著百姓不親五品不遜汝作司徒敬敷五教在寬今
遣奉車都尉授印綬封為鄼侯食邑萬戶敬之哉

賜諸侯策

漢光武

策曰在上不驕高而不危制節謹度滿而不溢敬之戒
之傳爾子孫長為漢藩

封張飛策

漢先主

朕承天序嗣奉洪業除殘靖亂未燭厥理今寇虜作害
民被荼毒思漢之士延頸鶴望朕用怛然坐不安席食
不甘味整軍誥誓將行天罰以君忠毅侔蹤召虎名宣
遐邇故特顯命高壩進爵兼司于京其誕將天威柔服
以德伐叛以刑稱朕意焉詩不云乎匪疚匪棘王國來
極肇敏戎功用錫爾祉可不勉歟

封馬超策

漢先主

朕以不德獲繼至尊奉承宗廟曹操父子世載其罪朕
用慘怛疾如疾首海內怨憤歸正反本暨于氏羌率服
獯鬻慕義以君信著北土威武並昭是以委任授君抗
颺虓虎兼董萬里求民之瘼其明宣朝化懷保遠邇肅
慎賞罰以篤漢祜以對于天下

賜許靖策

漢先主

朕獲奉洪業君臨萬國夙宵惶惶懼不能綏百姓不親
五品不遜汝作司徒其敬敷五教五教在寬君其勗哉
秉德無怠稱朕意焉

復諸葛亮丞相策

漢後主

街亭之役咎由馬謖而君引愆深自貶抑重違君意聽
順所守前年耀師馘斬王雙今歲爰征郭淮遁走降集
氏羌興復二郡威震凶暴功勳顯然方今天下騷擾元
惡未梟君受大任幹國之重而久自挹損非所以光揚
洪烈矣今復君丞相君其勿辭

敕廣

敕太子

漢高祖

吾遭亂世當秦禁學自喜謂讀書無益泊踐祚以來時
方省書乃使人知作者之意追思昔所行多不是
又云堯舜不以天下異于而與他人此非為不惜天下
但于不中立耳人有好牛馬尚惜况天下耶吾以爾是
元子早有立意羣臣咸稱汝友四皓吾所不能致而為
汝來為可任大事也今定汝為嗣矣
又云吾生不學書但讀書問字而遂知耳以此故不大
工然亦足自辭解今視汝書猶不如吾汝可勤學習每
上疏宜自書勿使人也

又云汝見蕭曹張陳諸公侯吾同時人倍年於汝者皆
拜并語於汝諸弟
又云吾得疾遂困以如意母子相累其餘諸兒皆自足
立哀此兒猶小也

敕責楊僕

漢武帝

將軍之功獨有先破石門尋陘非有斬將奪旗之實也
烏足以驕人哉前破番禺捕降者以為虜掘死人為獲
是一過也建德呂嘉逆罪不容於天下將軍擁精兵不
窮進超然以東越為援是二過也士卒暴露連歲為朝
會不置酒不念其勤勞而造佞巧請乘傳行塞因用歸
家懷銀黃垂三組夸鄉里是三過也失期內顧以道惡
為解失尊尊之序是四過也欲請蜀刀問君賈幾何對
曰率數百武庫日出兵而陽不知挾偽于君是五過也
受詔不至蘭池宮明日又不對假令將軍之吏問之不
對其罪何如惟此心以在外江海之間可得信乎今東

越深入將軍能率眾以掩過不

敕東平王傅相

漢元帝

夫人之性皆有五常及其少長耳目率於者欲故五常
銷而邪心作情亂其性利勝其義而不失厥家者未之
有也今王富於春秋氣力武勇獲師傅之教淺加以少
所聞見自今以來非五經之正術敢以游獵非禮道王
者輒以名聞

諭

遣嚴助諭淮南王

漢武帝

皇帝問淮南王使中大夫王上書言事聞之朕奉先帝
之休德夙興夜寐明不能燭重以不德是以比年凶菑
害眾夫以鈔鈔之身託三三侯之上內有饑寒之民南
夷相攘使邊騷然不安朕甚懼焉今王深惟重慮明太
平以弼朕失稱三代至盛際天接地人迹所及咸盡賓
服藐然其慙嘉王之意靡有所終使中大夫助諭朕意
告王越事

使車騎將軍諭單于

漢元帝

單于上書願罷北邊吏士屯戍子孫世世保塞單于鄉
慕禮義所以為民計者甚厚此長久之策也朕甚嘉之
中國四方皆有關梁障塞非獨以備塞外也亦以防中
國姦邪放縱出為寇害故明法度以專眾心敬諭單于
之意朕無疑焉為單于恠其不罷故使大司馬車騎將
軍嘉曉諭單于

廣文選卷第三十四

江都葛澗校

[Faint bleed-through text from the reverse side of the page]

廣文選卷第三十五

明通議大夫都察院右副都御史大庾劉節廣

令

明罰令

曹孟德

聞太原上黨西河鴈門冬至後百五日皆絕火寒食云
為介子推且北方沍寒之地老少羸弱將有不堪之患
令到人不得寒食若犯者家長半歲刑主吏百日刑令
長奪一月俸

黃初五年令

曹子建

夫遠不可知者天也近不可知者人也傳曰知人則哲
堯猶病諸諺曰人心不同若面焉唯女子與小人為
難養也近之則不遜遠之則有怨詩云憂心悄悄愠于

羣小自世間人或受寵而背恩或無故而入叛違顧左右曠然無信大爵者作斷其舌右手執斧左手執鉞傷夷一身之中尚有不可信况於人乎唯無深瑕潛釁隱過匿愆乃可以為人諺曰穀千鴛不如養一驢穀鴛養虎大無益也知韓昭侯之弊袷良有以也使臣有三足有可以仁義化者有可以恩惠驅者不足以導之則當以刑罰復不足以率之則明所以不畜故唐堯至仁不能容無益之子湯武至聖不能養無益之臣九折臂知為良醫吾知所以待下矣諸吏各敬爾在位孤一槩之平功之宜賞於疏必與罪之宜戮在親不赦比令之行有若皎日於藏羣臣其覽之哉

黃初六年令

曹子建

身體於鴻毛而謗重於泰山賴蒙帝王天地之仁違百師之典議舍三千之首戾反我舊居襲我初服雲雨之施焉有量哉孤以何功而納斯貶富而不悛寵至不驕則周公其人也孤小人爾身更以榮為戚何者將恐簡易之尤出於細微脫爾之愆一朝復露也故欲修吾往業守吾初志欲使皇帝恩在摩天使孤心常存此地將以全陛下厚德究孤犬馬之年此難能也然固欲行衆之難詩曰德輔如毛鮮克舉之此之謂也

教

與羣下教

諸葛孔明

夫參署者集衆思廣忠益也若遠小嫌難相違覆曠闕損矣違覆而得中猶棄筭蹻而獲珠玉然人心苦不能

盡惟徐元直處茲不惑又前幼宰參署七年事有不至
至二十反來相啓告苟能慕元直之十一幼宰之殷勤
有忠於國則亮可少過矣又曰昔初交州平屢聞得失
後交元直勤見啓誨前參事於幼宰每言則盡後從事
於備度數有諫止雖姿性鄙暗不能悉納然與此四子
終始好合亦足以明其不疑於直言也

與李豐教

諸葛孔明

吾與君父子戮力以獎漢室此神明所聞非但人知之
也表都護典漢中委君於東關者不與人議也謂至心
感動終始可保何圖中乖平昔楚卿屢絀亦乃克復思
道則福應自然之數也願寬慰都護勤追前闕今雖解
任形業失故奴婢賓客百數十人君以中即參軍居府
方之氣類猶為上家若都護思負一意君與公琰推心
從事者不可復通逝可復還也詳思斯戒嗣吾用心
書長歎涕泣而已

答卜蘭

魏文帝

賦者言事類之所附也頌者美盛德之形容也故作者
不虛其辭受者必當其實蘭此豈無實哉昔吾丘壽王
一陳寶鼎何武等徒以歌頌猶受金帛之賜蘭事雖不
諒義足嘉也今賜牛一頭

臨徐充投揚教

宋武帝

徐方地蕪染楚秀士攸出充土樂頌所流風禮自古豈
不異人比肩鴻才世及或踈散山林不聞進達或
問闡懷寶待糴孝性義明剛經善政者所在投揚舉進

咸用名聞

為錄公拜揚州恩教

謝元暉

昔召南分陝流甘棠之德平陽如匪深獄市之寄吾忝屬負荷任總侯伯受餞元戎作牧中甸此地五都雜會四方是則而向隅之吟斯積納隍之歎猶繁與念下車無忘待旦有齊禮導德致之仁壽弘漏網之寬申在宥之澤

為宋建平王聘逸士教

江仲通

府州國網紀雖周德之富猶有漁潭之士漢教之隆亦見西山之夫迹絕雲氣意育青天皆待絳繡讓首豈允來儀是以清風扇百代餘烈激後生斯乃王教之所及人之意焉

策問廣

賢良策詔

漢文帝

惟十有五年九月壬子皇帝曰昔者大禹勤求賢士施及方外四極之內舟車所至人迹所及靡不聞命以輔其逮近者獻其明遠者通厥聰比善戮力以翼天子是以大禹能亡失德夏以長楸高皇帝親除大害去亂從並建豪英以為宮師為諫爭輔天子之闕而翼戴漢宗也賴天之靈宗廟之福方內以安澤及四海今朕獲託天下之正以承宗廟之重朕既不德又不敏明弗能燭而智不能治此大天之所著聞也故詔有司諸侯王三公九卿及主郡吏各師其志以選賢良明於國家之大體通於人事之終始及能直言極諫者各有人數將以

皇朝通志卷三十五

三

匡朕之不逮二三大夫之行當此三道朕甚嘉之故登
大夫于朝親諭朕志大夫其上王道之要及未惟朕之
不德吏之不平政之不宣民之不寧四者之闕悉陳其
志毋有所隱上以薦先帝之宗廟下以興愚民之休利
著之于篇朕親覽焉觀大夫所以佐朕至與不至書之
周之密之重之閉之與自朕躬大夫其正論毋枉執事
烏乎戒之二三大夫其帥志毋怠

賢良策二

自

漢武帝

制曰朕獲承至尊休德傳之亡窮而施之罔極任大而
守重是以夙夜不遑康寧未惟萬事之統猶懼有闕故
廣延四方之豪雋郡國諸侯公選賢良脩繫博習之士
欲聞大道之要至論之極今子大夫褒然為舉首朕甚
嘉之子大夫其精心致思朕垂聽而問焉蓋聞五帝三
王之道改制作樂而天下洽和百王同之當虞氏之樂
莫盛於韶於周莫聖於勺聖王已沒鐘鼓莞絃之聲未
衰而大道微缺陵夷至乎桀紂之行王道大壞矣夫五
百年之間守聞之君當塗之士欲則先王之法以戴翼
其世者甚衆然猶不能反日以什減至後王而後止豈
其所持操或諄繆而失其統與固天降命不可復反必
推之於大衰而後息與烏乎凡所為屑屑夙興夜寐務
法上古者又將無補與三代受命其符安在災異之變
何緣而起性命之情或夭或壽或仁或鄙習聞其號未
燭厥理伊欲風流而令行刑輕而姦改百姓和樂政事
宣昭何修何飭而膏露降百穀登德潤四海澤臻草木

唐文選卷第五
三光全寒暑平受天之祐享鬼神之靈德澤洋溢施乎
方外延及羣生子大夫嗣先聖之業習俗化之變終始
之序講聞高誼之日久矣其嗣以諭朕科別其條勿猥
勿并取之於術慎其所出迺其不正不直不忠不極枉
于執事書之不泄與于朕躬毋悼後害子大夫其盡心
靡有所隱朕將親覽焉

制曰蓋聞虞舜之時游於巖即之也垂拱無為而天下
太平周文王至於日昃不暇食而宇內亦治夫帝王之
道豈不同條共貫與何逸勞之殊也蓋儉者不造玄黃
旌旗之飾及至周室設兩觀乘大輅乘干玉戚八佾陳
於庭而頌聲興夫帝王之道豈異指哉或曰良王不琢
又云非文亡以輔德二端異焉般人執五刑以督姦傷

肌膚以懲惡成康不式四十餘年天下不犯囹圄空虛
秦國用之死者甚衆刑者相望號哭哀哉烏乎朕夙寤
晨興惟前帝王之憲未思所以奉至尊章洪業皆在力
本任賢今朕親耕藉田以為農先勸孝弟崇有德使者
冠蓋相望問勤勞恤孤獨盡思極神功烈休德未始云
獲也今陰陽錯繆氛氣克塞羣生寡遂黎民未濟庶耻
質亂啓不肖渾殺未得其貞故詳延特之士意庶幾乎
今子大夫侍詔有百餘人或道是務而未濟稽諸上古
而不同考之于今而難行毋迺牽於文繫而不得騁敷
將所繇異術所聞殊方與客悉對著于篇毋諱有司明
其指略切磋究之以稱朕意

制曰蓋聞善言天者必有徵於人善言古者必有驗於

今故朕垂問乎天人之應上嘉唐虞下悼桀紂寢微寢
滅寢明寢昌之道虚心以改今子大夫明於陰陽所以
造化習於先聖之道業然而文采未極豈感乎當世之
務哉條貫靡竟統紀未終意朕之不明與聽若眩與夫
三王之教所祖不同而皆有失或謂久而不易者道也
意豈異哉今子大夫既已著大道之極陳治亂之端矣
其悉之究之孰之復之詩不云乎嗟爾君子毋常安息
神之聽之介爾景福朕將親覽焉子大夫其茂明之

表

上銅馬式表

馬文淵

夫行天莫如龍行地莫如馬馬者甲兵之本國之大用
安寧則以別尊卑之序有變則以濟遠近之難昔有
驥一日千里伯樂見之昭然不惑近世有西河子輿亦
明法子輿傳西河儀長孺長孺傳茂陵丁君都君都傳
成紀楊子阿臣援嘗師事子阿受相馬骨法考之於行
事輒有驗效臣愚以為傳聞不如親見視景不如察形
今欲形之於生馬則骨法難備具又不可傳之於後孝
武皇帝時善相馬者東門京鑄作銅馬法獻之有詔立
馬於魯班門外則更名魯班門曰金馬門臣謹依儀氏
鞞中中帛氏口齒謝氏脣鬢丁氏身中備此數家骨相
以為法

為第五倫薦謝夷吾表

班孟堅

夷吾才兼四科行自九德奉法智察有召公之風居儉
履約紹公儀之操密勿枉公身忠隱不徇名以求譽

不馳騫以要寵誠社稷之著龜大漢之薨棟宜當拔擢使登鼎司願乞骸骨更授夷吾

薦皇甫規表

蔡伯喈

臣聞唐虞以師師成熙周文以濟濟為寧區區之楚猶用賢臣為寶衛多君子季札知其不危猶此言之忠臣賢士國家之元龜社稷之貞固也昔孝文愠匈奴之事思李牧於前代孝宣忿奸邪之不散舉張敞於亡命况在於當時謙虛為罪而可遺棄臣伏見護羌校尉皇甫規少明經術道為儒宗修身力行忠亮闡著出處抱義嗷然不污藏器林藪之中以辭徵召之寵先帝嘉之羣公歸德盜發東岳莫能嬰計即起家參拜為太山太守屠斬桀黠綏撫煢弱青兗之郊迄用康乂自是以來方外有事戎狄猾華進簡前勳連見委任仗節舉麾威靈神行演凶悍使為慙愿愛財省糴每有餘資養士御眾悅以亡死論其武勞則漢軍之于城課其文德則皇家之腹心誠宜試用以廣振器焉西擁之美臣以頑愚忝汚顯列輒流汗墨不堪之責不勝區區執心所見越職督言罪當死唯陛下當留神自察臣豈

羣臣上漢帝表

昔唐堯至聖而四凶在朝周成仁賢而四國作難高后稱制而諸呂竊命孝昭幼冲而上官逆謀皆馮世寵藉履國權窮凶極亂社稷幾危非大舜周公朱虛博陸則不能流放禽討安危定傾伏惟陛下誕姿聖德統理萬邦而遭厄運不造之艱董卓首難蕩覆京畿曹操階禍

竊執天衡皇后太子鳩殺見害剝亂天下殘毀民物以
令陛下蒙塵憂厄幽處虛邑人神無主遏絕王命厭昧
皇極欲盜神器左將軍領三隸校尉豫荆益三州牧宜
城亭侯備受朝爵秩念在輸力以殉國難覩其機兆赫
然憤發與車騎將軍董承同謀誅操將安國家克寧舊
都會承機事不密令操存竟得遂長惡殘泯海內臣等
每懼王室大有閭樂之禍小有定安之變夙夜惴惴戰
慄累息昔在虞書敦序九族周監二代封建同姓詩著
其義歷載長久漢興之初割裂疆土尊王子弟是以卒
折諸呂之難而成大宗之基臣等以備肺腑枝葉宗子
藩翰心存國家念在弭亂自操破於漢中海內英雄望
風蟻附而爵號不顯九錫未加非所以鎮衛社稷光昭
萬世也奉辭在外禮命斷絕昔河西太守梁統等值漢
中興限於山河位同權均不能相率咸推竇融以為元
帥卒立效績摧破隗囂今社稷之難急於隴蜀操外吞
天下內殘羣寮朝廷有蕭牆之危而禦侮未建可為寒
心臣等輒依舊典封備漢中王拜大司馬董齊六軍糾
合同盟掃滅凶逆以漢中已蜀廣漢健為為國所署置
依漢初諸侯王故典失權宜之制苟利社稷專之可也
然後功成事立臣等退伏矯罪雖死無恨

上漢帝表

漢先主

臣以具臣之才荷上將之任董督三軍奉辭于外不能
掃除寇難靖匡王室又使陛下聖教陵遲六合之內不
而未忝惟憂及側疾首曩者董卓造為亂階自是

之後羣兇縱橫殘剝海內賴陛下聖德威靈人臣同庶
或忠義奮討或上天降罰暴逆並殄以漸冰消惟獨曹
操久未梟除侵擅國權恣心極亂臣昔與車騎將軍董
奉圖謀討操機事不密奉見陷害臣播越失據忠義不
遂得使操窮凶極逆主后戮殺皇子鳩鴆雖糾合同
盟念在奮力懦弱不武歷年未効常恐殞沒孤負國恩
竊竊之憂夕惕若厲今臣羣寮以爲在昔虞書敦叙九
族庶罔厲異五帝損益此道不廢周監二代並建諸姬
賴晉鄭夾輔之福高祖龍興尊王子弟大啓九國卒
斬諸呂以安大宗今操惡直醜正寔繁有徒包藏禍心
篡盜巴顯既宗室微弱帝族無位斟酌古式依假權宜
上臣大司馬漢中王臣伏自三省受國厚恩荷任一考
陳力未効所獲已過不宜復忝高位以重罪謗羣寮見
逼迫臣以義臣退惟寇賊不梟國難未已宗廟傾危社
稷將墜誠臣憂責碎首之負若應權通變以寧靖聖朝
雖赴水火所不得辭敢慮常宜以防後悔輒順衆議拜
受印璽以崇國威仰惟爵號位高寵厚俯思報效憂深
責重驚怖累息如臨于谷盡力輸誠獎厲六師卒齊羣
義應天順時撲討凶逆以寧社稷以報萬分謹拜章因
驛上還所假左將軍宜城亭侯印綬

辭先主表

孟達

伏惟殿下將建伊呂之業追桓文之功大事草創假勢
吳楚是以有爲之士深覩歸趣臣委質已來愆戾山積
臣猶自知况於君子今主朝以興英俊鱗集臣內無輔

佐之器外無將領之才列次功臣誠自醜也臣聞范蠡
識微浮於五湖咎犯謝罪逡巡於河上夫際會之間請
命乞身何則欲潔去就之分也况臣卑鄙無元功臣勲
自繫於時竊慕前賢早忠遠耻昔申生至孝見疑於親
子胥至忠見誅於君蒙恬拓境而被大刑樂毅破齊而
遭讒佞臣每讀其書未嘗不慷慨流涕而親當其事益
以傷絕何者荆州覆敗大臣失節百無一還惟臣尋事
自致房陵上庸而復乞身自放於外伏想殿下聖恩感
悟愍臣之心悼臣之舉臣誠小人不能始終知而為之
敢謂非罪臣每聞交絕無惡聲去臣無怨辭臣過奉教
於君子願君王勉之也

後出師表

諸葛孔明

先帝慮漢賊不兩立王業不偏安故託臣以討賊也以
先帝之明量臣之才故知臣伐賊才弱敵強也然不伐
賊王業亦亡惟坐待亡孰與伐之是故託臣而弗疑也
臣受命之日寢不安席食不甘味思惟北征宜先入南
故五月渡瀘深入不毛并日而食臣非不自惜也顧王
業不可得偏全於蜀都故冒危難以奉先帝之遺意也
而議者謂為非計今賊適疲於西又務於東兵法乘勞
此進趨之時也謹陳其事如左高帝明並日月謀臣淵深
然涉險被創危然後安今陛下未及高祖謀臣不如良平
而欲以長計取勝坐定天下此臣之未解一也劉繇王朗
各據州郡論安言計動引聖人羣疑滿腹衆難塞胸今歲
不戰明年不征使孫策坐大遂并江東此臣之未解二也

曹操智計殊絕於人其用兵也髣髴孫吳然困於南陽險於烏巢危於祁連逼於黎陽幾敗伯山殆死潼關然後僞定一時耳况臣才弱而欲以不危而定之此臣之未解三也曹操五攻昌霸不下四越巢湖不成任用李服而李服圖之委夏侯而夏侯敗亡先帝每稱操為能猶有此失况臣駕下何能必勝此臣之未解四也自臣到漢中中間葦年矣然喪趙雲楊羣馬至闡芝丁立白壽劉邵鄧銅等及曲長屯將七十餘人突將無前實叟青羌散騎一千餘人此皆數十年之內所糾合四方之精銳非一州之所有若復數年則損三分之二也當何以圖敵此臣之未解五也今民窮兵疲而事不可息事不可息則住與行勞費正等而不及虛圖之欲以一州之地與賊持久此臣之未解六也天運平於漢而帝敗軍於楚當此時曹操拊手謂天下已定然後先帝東連吳越西取巴蜀舉兵北征夏侯授首此操之失計而漢事將成也然後吳更違盟關羽毀敗禰歸蹉跌曹丕稱帝凡事如是難可逆見臣鞠躬盡力死而後已至於成敗利鈍非臣之明所能逆覩也

廢李平表

諸葛孔明

自先帝崩後平所在治家尚為小惠安身求名無憂國之事臣當北出欲得平兵以鎮漢中平窮難縱橫無有來意而求以五郡為邑州刺史去年臣欲西征欲令平主督漢中平說司馬懿等開府辟召臣知平鄙情欲因行之際偏臣取利也是以表平子豐督主江州隆崇其

遇以取一時之務平至之日都委諸事羣臣上下皆怪
臣待平之厚也正以大事未定漢室傾危伐平之短莫
若褒之然謂平情在於榮利而已不意平心顛倒乃爾
若事稽留將致禍敗是臣不敏言多增咎

乞立諸葛亮廟表

督隆

臣聞周人懷召伯之德甘棠為之不伐越王思范蠡之
功鑄金以存其像自漢興以來小善小德而圖形立廟
者多矣况亮德範遐邇勳蓋季世興王室之不壞實賴
人是賴而烝嘗止於私門廟像闕而莫立使百姓蒸祭
戎夷野祀非所以存德念功述追在昔者也今若盡廢
民心則瀆而無典建之京師又偏宗廟此聖懷所以
疑也臣愚以為宜因近其墓立之于沔陽使百
時賜祭凡其臣故吏欲奉祠者皆限至廟斷其私祀以
崇正禮

荀彧功表

曹孟德

昔袁紹作逆連兵官渡時眾寡糧單圖欲還許尚書令
荀彧深建宜往之便遠恢進討之略起發臣心革易愚
慮堅營固守激其軍實遂摧撲大寇濟危以安紹既破
敗臣糧亦盡將舍河北之規改就荆南之策彧復備陳
得失用移臣議故得反旆冀土克平四州向使臣退軍
官渡紹必鼓行而前敵人懷利以自百臣眾怯沮以喪
氣有必敗之形無一捷之執復若南征劉表委棄兗豫
饑軍深入踰越江沔利既難要將失本據而彧建二策
以亡為存以禍為福謀殊功異臣所不及是故先帝貴

指縱之功薄搏獲之賞古人尚帷幄之規下攻拔之力原其績效足享高爵而海內未諭其狀所受不侔其功臣誠惜之乞重平議增疇戶邑

求自試表

曹子建

五帝之世非皆智三季之末非皆愚用與不用知與不知也夫相者文德昭者也將者武功烈者也文德昭則可以匡國朝叙百揆稷契夔龍是矣武功烈則可以征不庭廣邦境南仲方叔是也昔伊尹之爲滕臣至賤也呂尚之處漁釣至陋也及其見舉湯文誠合志同豈復假近習之薦因左右之介哉發騏驎於吳越可謂困矣及其伯樂相之孫子遇之形體不勞而坐取千里伯樂善御馬馮君善御弓誠任賢使能之明效也昔段干木修德於閭閻秦師爲之輟攻而文侯以安穰苴授節於邦境燕晉爲之退師而景公無患皆簡德尊賢之所致也願陛下垂高宗傳崑之明以顯中興之功

諫伐遼東表

曹子建

臣伏以遼東負阻之國執便形固帶以遼海今輕軍遠攻師疲力屈彼有其備所謂以逸待勞以飽待饑者也以臣觀之誠未易攻也若國家攻而不尅屠襄平之城懸公孫之首得其地不足以償中國之費虜其民不足以補三軍之失是我所獲不如所喪也若其不拔曠日持久暴師於野然天時不測水濕無常彼我之兵連於城下進則有高城深池無所施其功退則有歸塗不通道路纖好東有徭繫之吳西有伺隙之蜀吳越東南則

荆揚騷動蜀應西境則雍涼三分兵不解於外民罷困於內促耕不解其饑疾蠶不救其寒夫渴而後穿井饑而後殖種可以圖遠難以應卒也臣以為當今之務在於省徭役薄賦歛勤農桑三者既備然後令伊管之臣得施其術孫吳之將得奮其力若此則太平之基可立而待康哉之歌可坐而聞曾何憂於二敵何懼於公孫乎今不恤邦畿之內而勞神於蠻貊之域竊為陛下不取也

薦關內侯李直表

鍾元常

臣繇言臣自遭遇先帝忝列腹心爰自建安之初王師破賊關東時年荒穀貴郡縣殘毀三軍餽餼朝不及夕先帝神略奇計委任得人深山窮谷民獻米豆道路不絕遂使疆敵喪膽我衆作氣旬月之間廓清蟻聚當時實用故山陽太守關內侯李直之策尅期成事不差毫髮先帝賞以封爵授以劇郡今直罷任旅食許下素為廉吏衣食不克臣愚欲望聖德錄其舊勲矜其老困復俾一州俾圖報效直力氣尚壯必能夙夜保養人民臣受國家異恩不敢雷同見事不言

進諸葛亮集表

陳承祚

臣壽等言臣前在著作郎侍中領中書監齊北侯臣荀勗中書令關內侯臣和嶠奏使臣定故蜀丞相諸葛亮故事亮毗佐危國負阻不賓然猶存錄其言耻善有遺誠是大晉光明至德澤被無疆自古已來未之有倫也輒刪除復重隨類相從凡為二十四篇篇名如右亮少

有逸羣之才英霸之器身長八尺容貌甚偉時人異焉
遭漢末擾亂隨叔父玄避難荆州躬耕于野不求聞達
時左將軍劉備以亮有殊量乃三顧亮於草廬之中亮
深謂備雄姿傑出遂解帶寫誠厚相結納及魏武帝南
征荆州劉琮舉州委質而備失勢眾寡無立錐之地亮
時年二十七乃建奇策身使孫權求援吳會權既宿服
仰備又器亮奇雅甚敬重之即遣兵三萬人以助備備
得用與武帝交戰大破其軍乘勝克捷江南悉平後備
又西取益州益州既定以亮為軍師將軍備稱尊號拜
亮為丞相錄尚書事及備殂没嗣子幼弱事無巨細亮
皆專之于是外連東吳內平南越立法施度整理戎旅
工械技巧物究其極科教嚴明賞罰必信無惡不懲無
善不顯至于吏不容私人懷自厲道不拾遺疆不侵弱
風化肅然也當此之時亮之素志進欲龍驤虎視包括
四海退欲跨陵邊疆震蕩宇內又自以為無身之日則
未有能蹈涉中原抗衡上國者是以用兵不戢屢耀其
武然亮才于治戎為長奇謀為短理民之幹優于將略
而所與對敵或值人傑加眾寡不作攻守異體故雖連
年動眾未能有克昔蕭何薦韓信管仲舉王子城父皆
恃已之長未能兼有也亮之器能政理抑亦管蕭之亞
匹也而時之名將無城父韓信故功業陵遲大義不及
邪蓋天命有歸不可以智力爭也青龍二年春亮帥眾
出武功分兵屯田為久駐之基其秋病卒黎庶追思以
為口實至今梁益之民咨述亮者言猶在耳雖甘棠之

詠召公鄭人之歌子產足以遠譬也孟軻有云以逸道使民雖勞不怨以生道殺人雖死不忿信矣論者或恠亮文彩不豔而過於丁寧周至臣愚以為咎繇大賢也周公聖人也考之尚書咎繇之暮略而雅周公之誥煩而悉何則咎繇與舜禹共暮周公與羣下矢誓故也亮所與言蓋衆人凡士故其文指不及得遠也然其聲教遺言皆經事綜物公誠之心形于文墨足以知其人之意理而有補於當世伏惟陛下邁蹤古聖蕩然無忌故雖敵國誹謗之言咸肆其辭而無所革諱所以明大通之道也

辭長沙郡公表

陶士行

臣少長孤寒始願有限過蒙聖朝歷世之恩陛下睿鑒寵靈彌泰有始必終自古而然臣年垂八十位極人臣啓手啓足當復何恨但以陛下春秋尚富餘寇不誅山陵未反所以憤懷兼懷不能已已臣雖不知命年時已邁國恩殊特賜封長沙墮越之日當歸骨國土臣父母舊葬今在潯陽緣存處亡無心分違七勒國臣脩遷改之事刻以來秋奉迎窀穸葬事訖乃告老下藩不圖所患遂爾綿篤伏枕感結情不自勝臣聞者猶爲犬馬之齒尚可少延欲爲陛下西平李雄比吞石季龍是以遣毋丘奧於巴東授桓宣於襄陽良圖未叙於此長乖此方之任內外之要願陛下速選臣代使必得良才奉宣王猷遵成臣志則臣死之日猶生之年陛下雖聖姿人縱英竒日新方事之殷當賴羣雋司徒導鑒識經遠光

輔三世司空鑒簡素貞正內外惟允平西將軍亮雅量
詳明器用周時即陛下之周召也獻替疇諮敷融政道
地平天成四海幸賴謹遣左長史殷羨奉送所假節麾
幢曲蓋侍中貂蟬太尉章荆江州刺史印傳榮戟仰戀
天恩悲酸感結

理劉司空表

盧子諒

臣聞經國之體在於崇明典刑立政之務在於固慎關
塞況方兵之臣殺生之柄而可不正其枉直以杜其姦
邪哉竊見故司空廣武侯琨在惠帝擾攘之際值群后
鼎沸之難勅力皇家義誠彌厲躬統華夷親受矢石石
超授首呂朗面縛社稷克寧鑾輿反駕奉迎之勲琨實
為隆此琨效忠之一驗也其後并州刺史東嬴公騰以

晉川荒匱移鎮臨漳太原西河盡徙三魏琨受任并州
屬承其弊到官之日遺戶無幾當易危之勢處難濟之
土鳩集傷痍撫和戎狄數年之間公私漸振會京都失
守群逆縱逸邊萌頓什苟懷宴安咸以為并州之地四
塞為固且可閉關守險畜資養徒抗辭厲聲忠亮奮發
以為天子沉辱而不墮身死節情非所安遂乃跋履山
川東西征討屠各乘虛晉陽沮潰琨父母罹屠戮之殃
門族受殲夷之禍向使琨從州人之心為自守之計則
聖朝未必加誅而族黨可以不喪及猗盧敗亂晉人歸
奔琨於平城納其初附將軍箕澹又以為此雖晉人父
在荒裔難以法整不可使用琨又讓之義形於色假從
澹議偷於苟存則晏然於并土必不亡身於燕薊也琨

自以備位方獄網不舉無緣虛荷大任坐居三司是以陛下登祚便引愆咎遜前後章表且陳誠款尋今從事中郎臣續澹以章絞節傳奉還本朝與匹磾使榮邵期一時俱發又匹磾以琨王室大臣懼奪已威重忌琨之形漸彰於外琨知其如此慮不可久欲遣妻息大小盡詣京城以其門室一委陛下有征舉之會則身充一卒若匹磾縱凶慝則妻息可免具令臣澹密宣此旨求詔勅路次令相迎衛會王戎從平陽逃來說南陽王但稱號隴右士衆甚盛當移關中匹磾聞此私懷顧望望停榮邵欲遣前兼鴻臚邊遜奉使詣保懼澹獨南言其此事遂不許引路丹誠赤心卒不上達匹磾兄眷喪亡嗣子幼弱欲因奔喪奪取其國又自以欺國陵家懷邪樂禍恐父母宗黨不容其罪是以卷甲繫弓陰圖作欲害其從叔麟從弟夫波等以取其國匹磾親信家麟波麟波乃遣人誑之匹磾僅以身免百姓謂匹磾已沒皆憑向琨者與子時有匹磾之情則居然可擒不復勞於人力言之之後上下並離匹磾遂欲盡勒胡晉徙居上谷琨深不然之勸移厭次南馮朝廷匹磾不能納反禍害父息四人從兄二息同時并命琨未遇害知匹磾必有禍心語臣等云受國厚恩不能克報雖才略不及亦由遇此厄運人誰不死死生命也唯恨下不能效節於一方上不得歸誠於陛下辭旨慷慨動於左右匹磾既害琨橫加誣謗言琨欲闢神器謀圖不軌琨免述囂頑凶之思又無信布懼誅之情踣躄亂亡之際夾

肩異類之間而有如此之心哉雖臧獲之愚廝養之智猶不爲之況在國士之列忠節先著者乎匹磾之害琨稱陛下密詔琨信有罪陛下加誅自當肆諸市朝與衆棄之不令殊俗之豎戮台輔之臣亦已明矣然則擅詔有罪雖小必誅矯制有功雖大不論正以興替之根咸在於此開塞之由不可不閑故也而匹磾無所顧忌怙亂專殺虛假王命虐害鼎臣辱諸夏之望敗王室之法是可忍也孰不可忍若聖朝猶加隱忍未明大體則不逞之人襲匹磾之跡殺生自由好惡任意陛下將何以誅之哉折衝厭難唯存戰勝之將除暴討亂必須知略之臣故古語云山有猛獸藜藿爲之不採非虛言矣自向以比幽并以南醜類有所顧憚者唯琨而已琨受害之後群凶欣欣莫不得意鼓行中州曾無纖介此又華夷小大所以長歎者也伏惟陛下獻聖之隆中興之緒方將平章典刑以經序萬國而琨受害非所寃痛已甚未聞朝廷有以甄論昔壺關三老訟衛太子之罪谷永劉向辨陳湯之功下足以明功罪之分上足以悟聖主之懷臣等祖孝以來世受殊遇入侍翠幄出簪彤管弗克負荷播越遐荒與琨周旋接事終始是以仰慕三臣在昔之義謹陳本末冒以上聞仰希聖朝曲賜哀察

謝封康樂侯表

謝靈運

昔強互暴雷恃僭曆紀旣噬五都志吞六合遂陷沒西河傾覆南漢凌籍紀郢跨越淮泗于時策盡惟疑地險已謝咸懼君臣同泯有生無餘亡祖奉國威靈董符戎

重盡心所事剋黜禍亂功參盤鼎膺土南服逮至臣身
值遭泰路日月改暉榮落代運輸稅唐化生幸無已不
悟天道下濟鴻鈞曲成乃眷遐績式是興徵分虎鈿龜
復顯茅土鳴玉拖紱班景元勲澤洽往德恩覃來胤未
惟先蹤遠感崩結豈臣虺豸所當忝承臣聞至公無私
甄善則一皇恩遠被殊代可侔是以信陵之賢簡在高
祖之心望諸之道復獲隆漢之封觀史歎古欽茲盛美
豈謂榮渥近霑微躬傾宗殞元心識其會酬恩答厚罔
知所由

上三國志注表

裴松之

臣聞智周則萬里自賓鑿遠則物無遺照雖盡性窮微
深不可識至於緒餘所寄則必接乎麤迹是以體備之
量猶曰好察過言畜德之厚在於多識往行伏惟陛下
道該淵極神超妙物暉光日新郁哉彌盛雖一貫墳典
怡心玄蹟猶復降懷近誠博觀興廢將以總括前蹤貽
誨來世臣前夜詔使采三國異同以注陳壽國志壽書
銓叙可觀事多密正誠游覽之苑囿近世之嘉史然夫
在於略時有所脫漏臣奉旨尋詳務在周悉上搜舊聞
傍摭遺逸按三國雖歷年不遠而事關漢晉首尾所涉
出入百載注記紛錯每多舛互其壽所不載事宜有錄
者則固不必取以補其闕或同說一事而辭有乖雜或
出事本異疑不能判並皆抄內以備異聞若乃紕謬顯
然言不附理則隨違矯正以懲其妄其時事當否及壽
之小失頗以愚意有所論辯自就撰集已垂期月寫校

始訖謹封上呈竊惟績事以衆色成文密蠶以兼采為
味故能使絢素有章甘踰本質臣寔頑之顧慙二物雖
自整勵分絕藻績既謝淮南食時之敏又徵任簡斐然
之作淹留無成祇冀翰墨不足以上酬聖旨少塞愆責
愧懼之深若墜淵谷

廣文選卷第三十五

